



# بلوچی

## ۶ صنف





## مليين سرود

دا عزت د هر افغان دی  
هر بچی یې قهرمان دی  
د بلوڅو د ازبکو  
د ترکمنو د تاجکو  
پامیریان، نورستانیان  
هم ایماق، هم پشه یان  
لکه لمر پر شنه آسمان  
لکه زره وي جاویدان  
وایو الله اکبر وایو الله اکبر

دا وطن افغانستان دی  
کور د سولې کور د تورې  
دا وطن د ټولو کور دی  
د پښتون او هزاره وو  
ورسره عرب، گوجر دي  
براهوي دي، قزلباش دي  
دا هېواد به تل ځلیري  
په سینه کې د آسیا به  
نوم د حق مودی رهبر

بِسْمِ اللّٰهِ الرَّحْمٰنِ الرَّحِیْمِ



# بلوچی

## ششم صنف

چاپی سال: هـ. ش. ۱۳۹۹

## کتابی درستی کنگ

مضمون: بلوچیی زوان

نویسوکان: تعلیمین نصابی بلوچیی بهری نویسوکین ډل.

ایدت کنوک: بلوچیی زوانی در سین کتابانی نویسوکین ډل.

صنف: ششم

متنی زوان: بلوچی

دیمری دیوک: تعلیمین نصابی دیمری و درسیین کتابانی لیکگی مزین ریاست.

شینگ کنوک: معارفی وزارتی عامه ین آگاهی و ارتباطی ریاست.

چاپی سال: هجری شمسی ۱۳۹۹

ایمیل آدرس: curriculum@moe.gov.af

درسیین کتابانی چاپ، بهر وبها کنگی حک په افغانستانی اسلامیین جمهوریی معارفی وزارت

ساتگنت. به بازارا زیتن و بها کنگش منع انت گون خلافان قانونیین سلوکی بیت.

## معارفی وزیري پيغام

اقرا با سم ربك

پاكين خالقئ با زين حمد و ستا كه اماره هستي دات و و نتن و نمشته كرتئ مزين نعمتي واوند كرت و بازين درود په خاتم رسول حضرت محمد مصطفي ﷺ كه خداوند ﷻ ي اولي پيغام په آبي (وتنن) انت. چوكه په درستان روش و درانت. هجري شمسي ۱۳۹۷ سال به معارفي سالي ناما نام گپتگ بوت. پميشا به امئ و طنا به تعليم و رود ينگئ نظامئ جتاجتايين بهران بازين بنياديين بدل بوگي كيت: معلم، وانديگ، كتاب، مكتب، اداره و ماس و پساني شورا افغانستانئ معارفي شش بنياديين بهرزانتيگه بنت كه به وطنئ تعليم و رود ينگئ و د وديمريا مزين تاثيري دارنت. به انچين قسمت جوړ كنوكين و هدي، افغانستانئ معارفي رهدبريي مزين خانواده تعهد كرته كه به وطنئ تعليم و رود ينگئ انونين نظامئ و د و ديمريا بنياديين بدل بوگي ياريت.

شه همي روگها تعليمي نصابئ اصلاح وديمرئ شه معارفي وزارتئ سرئ كاران انت. به اي بهرا تعليمي نصابئ اصلاح و ديمريئ، كتاباني مزند و محتوئ گهبودي و به مكاتبان و مدرسه ان، سرकारी و خصوصي بنيادان درسيين كتاباني رسيين و بهر كرتن به معارفي وزارتئ پروگراماني اولسرا جاه داريت. اما باوردان، اگه كتاب جوانين كيفيتي داشتگ مه بنت، وطنئ تعليمي سك و پرواكين مخسدانا به دستا آورتگه نه كنن.

په يات بوتگين مخسداني به دستا آورتن و يك كارين هيل زورگين نظامي رسگا شه مچين وطني دلسو چين معلم و مدرس و زانگ و كمالي واوندين مديران كه آيوكين نسلي رودينوك انت، په عزتداريه لوټن كه په اي درسيين كتابئ هيل داتن و آبي مزند و محتوئ رسيينتا به امئ عزيزين فرزندان شه هر رازئ كو شستي پدا مه كزنت و به كاري و سرپدين نسلي تعليم و رودينگا گون ديني و مليين ارزشتان گون ايراد گروكين فكري كو شست بكننت. هر روچ سر تعهد و ذمه واريي منگئ نوک كرتنا گون اي نيتاسبخ داتنا بناكنت كه به زوتين آيوكي عزيزين و انديگ، تاثير دارين رودينتيگ بوتگين شهروند و آبات و ديما شتگين افغانستانئ جوړ كنوك بنت.

همي رازشه عزيز و دوستين وانديگان كه وطني باندي روچئ پرارزشين پيه و سرمايه انت لوټين كه رساكا مه شموشت و په باز ادب و احترام گون علمي پټ و پولئ شه عزيزين معلماني سبخا په جواني كټ بزورنت ووتئ عزتمدين معلمئ زانگ و علمئ اوشگ چين بنت.

گلسرا شه وطنئ هيل ديوكين كارزانان، تعليم و رودينگي دانديگان و تعليمي نصابئ فنين بهرئ همكاران كه په اي درسيين كتابئ برير كرتنا شپ و روچ كو شست كرتگش قدر كرته وشه مزين خالقئ دربارا په آوان به اي پاك و انسان جوړ كنوكين راها سوب و كاميايه لوټين.

به يك معياري و ديماشتگين معارفي نظامي دسترسي و آبات و ديماشتگين افغانستانئ رسگي اوميتا كه سرپد، آرات و آسوده حالين شهروندانئ واوند بيت.

دكتور محمد ميرويس بلخي

معارفي وزير

- ۱..... حمد
- ۲..... حضرت محمد ﷺ
- ۵..... وختی کدر
- ۹..... پنت و سوگه
- ۱۳..... دگرانی حکئی کدر
- ۱۶..... قناعت
- ۲۰..... خدا نظر سرمچار
- ۲۴..... سوداگری نپ و کت
- ۲۷..... متل و گالوار
- ۳۰..... رادیو
- ۳۴..... ملل متحد
- ۳۸..... نیک کرداری
- ۴۱..... نکل
- ۴۴..... برقی تاثیر به زندگیا
- ۴۷..... دستین صنعت
- ۵۰..... پمگ
- ۵۴..... پیتایی گرمی زد
- ۵۷..... کتابی وانگ
- ۶۰..... پاکی ڈرائیا ساتیت
- ۶۴..... کارو کوششی آسر
- ۶۷..... کھولی زندگی
- ۷۱..... علم (زانگ)
- ۷۴..... نکل
- ۷۷..... بورغمی
- ۸۰..... سره میاشت
- ۸۳..... ورزش، ڈرای، واک
- ۸۷..... سیگاری ضرر
- ۹۰..... بزانت بلد
- ۹۲..... معارفی ترانه

## حمد

آکه ما مُتھی گِلا دات نفس و جان توئی

و انگ و زانگ و علم و سرو سامان توئی

آکه زانت سر پدوسی انت شه هر چیزی دلا

عالم و با خبـراج ظاهرو پنهان توئی

آکه کنت کن فیکون دنیا گون چمی جنگی

اختیار دار چونین قدرت و فرمان توئی

آکه خاص بندگی برازیت و عبادت پایي

بیدی شک لایق ای کار و ای پیمان توئی

آکه بیت نامی د پاوشپ و روچ ورد زبان

بی تی ناما که نه برازیت پاک و سبحان توئی

آکه دزانت و گنهکار مگه نامیت نه ونت

شه تی درگها که رحیمی تو رحمان توئی

آکه انت آیرا باور به لطف و عطا

"سرمچارنته" که زانت صاحب ای شان توئی

خدانظر "سرمچار"

## حضرت محمد

مخسد:



- وانندگ سبغا بواننت و بلکنت.
- شه پیغمبر ﷺ امانت دار یاسی بنت.
- گون امانت داریا خو بگرت.

جُست:

- کئی په حضرت محمد ﷺ باروا هبر داتگه کنت؟
- حضرت محمد ﷺ پچی امین گشتنت؟
- اما باید وترا به چیا هیل بدین؟

خداوند(ج) وتی عزیزین رسولا ابد مانین عزت و اعتباری واوند کرت اسلامی مزین پیغمبر حضرت محمد ﷺ بازین برزین نیکیں صفتانی واوند انت. آ به وتی مچین زندگیا راستکار و امانت ساتوک ات، شه بازین سدک و راستیا آیرا امین گشتنت.

حضرت محمد ﷺ به هرو هده ووخت و هر جاگی سدک و راستیه کرت وشه مسلمانان لوپت که سدک و راستی بکننت و امانت ساتوک بنت.

یکواری حضرت محمد ﷺ کسی را په زکاتی نز آور تنابه بنی سلیمی قبیلا دیم دات. آء مرد په ای کاری تسر رسینگاشت ورندا شه زکاتی نز آریا، پدوارگ به مدینه آت وجائیکه حضرت محمد ﷺ گون وتی دوستان نشتت ورندا شه سلام داتن ووش آمدنا زکاتی نز آورتگین مالانا پیغمبرا دات.



کمی مال دگه آشک ترا به ای مردمی پانادامت.

حضرت محمد ﷺ سوچ کرت:

- آدگه مال کي انت؟

آمردگشت:

- ای مالاناما مردم ٲیکی داتگنت.

حضرت محمد ﷺ که نه لوٲٲ بیت المال تاوانی بیت ودگرانی حک زیان بیت په امانت داریی باروا سوگه کرت و گشت:

"مردم ای مالانا گیشتر په خاطر ی ٲیکی وسوغات دا تگنت که ترا رسول خدا دیم دات، اگه ترا رسول خدا دیم مه داتین کسی ترا چیزیه نه دات لازم انت مچین چیزا ناکه گون وت آورتگی مسلمانانی بیت المالا بدئ".

په ای ٲولی اسلامی مزین پیغمبر حضرت محمد ﷺ آء مردا سدک وراستی و امانت ساتوکیا نشان دات و آیرا ٲو وسریدکرت که مسلمان باید مدام په دگه مسلمانانی مالی ساتنا کوشش بکنت و به دگری چیزا وتی چماسک مه کنت، به مردمانی مالا خیانت مه کنت و حکابه واوندئ بر سینیت که آخرئ روچا خداوند(ج) شه هر چیا سوچه کنت.

اما که حضرت محمد ﷺ اُمت و ٲدروک ان بایدانن و ترا گون سدک وراستی خوبدین و امانت ساتوک بن. و سدک وراستی و امانت ساتوکی ٲیدگ وکتا په دگران هم بگشن و هروهداهما کسانا کمک و دستگیری بکنن که سدک وراستی دارنت، په ای ٲولی دگرانی حک هم ساتگه بیت ووت هم وشنام و عزت و اعتبارئ واونده بن.

عزیزین وانندگان!

- ای سبخئ نوکین کلیمانا سیایگ بکنت.

- دو وانندگ په رون نوکین سبخا بوانیت.

- پنج ٲل بیت و هر ٲلی گون وت په حضرت محمد ﷺ برزین صفتانی باروا هبربدیت.

- جالگی دو جملانا بوانت و همایی ایشک و آشکا خطی بگرت که به ای سبخا واننگت.

دمیکه آکس شه زکاتئ نز آورتنا آت به مالانی دیگی وختا.

۱- چیزی مالا آشکا وتی پانادا اشت.

۲- مچین مالانا به بیت المالا دات.

گسویین کار:

ای سبغا به وتی کتابچهان بلکت وشه بر بکنت.

عزیزین وانندگان!

- چیزیکه انون گشتگه بیت په جوانی بشکنت ورندا جستانی پسوا بگشت.

۱. گجام انسان عزتی واوند انت؟

۲. کئی شه کئی گهتری داریت؟

۳. گجام انسان شه دگران جوان انت؟

۴. اما باید چونین خووتبی بدارن؟

۵. په گجام کاران کمک و دستگیری جوان انت؟

- چیزیکه دیما شه جستان اوشکتت سی وانندگ په رون شه بر بگشیت.

- په ای کلیمان جمله جوړوبه وتی کتابچهان بلکت.

واوند

برزین

لوپت

زیان

- سی وانندگ په رون سبخی ای بارا "خداوند(ج) وتی عزیزین رسولا ابدمانین عزت و

اعتباری واوند کرت، اسلامی مزنین پیغمبر حضرت محمد ﷺ بازین برزین نیکین صفتانی


واوندات. آ به وتی مچین زندگیا راستکار و امانت ساتوک ات، شه بازین سدک و راستیا

آیرا امین گشتنت. په برزین تواری بوایت.

# وختی کدر

## مخسد:

- واندگ بواننت و بلکنت.
- وختی کدرا بزانت.
- مقداری قید و نفی قیدا نادرست کنت.



## جست:

- کئی په وختی کدری باروا هبردا تگه کنت؟
- شه وختا کارگرگ چی پیدگ داریت؟
- کئی قیدی تعریفا زانت؟
- به ای سبخا مقداری قیدا نشان داتگه کنت؟

وخت ووهده باز رو داریت. په ایشی که انسان وتی زندگی میچین اړو ضرورتانا په شری بوجتگ وکارانا په شری تسر رسیدنگ بکنت، باید وختی کدرا بزانت و میلیت که وخت شه دستا بروت.

دانندگ و عالم شه باز غدیمی دورو باریا به وختی جوانین کت زورگی پکرا بوته و شپ و روچی وختا، تاري، روچ ټک، چاشت، نیم روچ، پیشین، دیگر، نماشام، گاوگم، شپ، خپتن، نیمشپ، سهور و گور باما ۲۴ ساعت گیتگنت که ساعت به دقیقه و ثانیه ان باره بنت.

آکس به وتی زندگیا سوین و سر برزه بنت که مچین وختا به کار و کاسیی دست گپ  
و مشکول انت و نه لوتهنت کمین وختی شه دستیش بروت.  
انچین مردم وختا باز کدره کنت و یک کسانین کتره ودمی هم بیکاره نه نندنت.

عزیزین وانندگان!

- ای سبخئ نوکین کلیمانا سیایگ بکنت.  
- دو وانندگ په رون نوکین سبخا بوانیت.  
- پنچ دل بیت و هر دلی گون وت په وختئ کدرئ بارواهربر  
بدیت و شه هر دلی یک یک وانندگی  
اولی په تاری و روچ تکی وخت  
دومی په نیم روچ، پیشین و دیگر  
سومی په شپ، خپتن، نیمشپ  
چارمی په سهور  
وپنجمی په گوربامئ وختئ باروا هبر بدنت و بگشیت که به ای پاسان انسان چی کرتگه  
کنت.  
- سئ وانندگ په رون ای سبخئ یک یک بارا په بُرزین تواری بوانیت.

قید:

قید هما حالت انت که به جمله و کلیمان نوکین مفهومی را نشانه دنت و کیده کنت. قید  
بازین دولی داریت که هر گجامی کیدی یک حالتی را نشانه دنت.

مقدارین قید: چیزی کچا نه و اندازه یا اشمارا روشه کنت چو:

کموکی

باز

گیشتر

گیش

بس  
کم  
لهټين  
چيزی  
مچ

مچین، گرد، درست، تیوگین و دگه.

چوبالاچ وتي مچین کتابانا برت.

مچ زاگ ورزشه کنت.

که به ای دو جملا مچ ومچین قید انت.

- سبڅا بوانت جائیکه مقدارین قیدا گندت سیایگ بکنت.

- چیزیکه انون گشتگه بیت په جوانی بلکت و جائیکه زانت، ټک، کامه، سوالیه و ندائیه علامهانا بلت.

گسویین کار:

ای سبڅا به وتی کتابچهان بلکت په وتی کهولئ باسکان بوانت.

عزیزین وانندگان!

- چیزیکه انون گشتگه بیت په جوانی بشکنت ورندا جستاني پسوا بگشت.

۱- ساعت اماره چیوه گشیت؟

۲- شه چیی دیما اما وخت ووهدئ اندازا زانن؟

۳- تانکا وارتن ووپتن چون انت؟

۴- وختی کدر چو چیویا باز انت؟

۵- آکه شه وختا په جوانی کار گپتگنت چون بوتگنت؟

- سی وانندگ چیزیکه دیما شه جستان گشتگ بوت شه بر بگشت.

- په ای کلیمان یک یک جمله جوړ بکنت

وخت

اړ

په شری

کدرا

مچین

بیکار

- سبخی ای باره "وخت ووهده باز رو داریت. په ایشی که انسان وتی زندگیی مچین اړو ضرورتانا په شری بوجتگ و کارانا په شری تسر رسینتگ بکنت، باید وختی کدرا بزانت و میلیت که وخت شه دستا بروت" په روت په برزین تواری بوانت.

## پنت و سوگه

### مخسد:

- واندگ پنت و سوگهانا په جوانی بواننت و بلکنت.
- ماناهانش بزانت.
- په دگران په ای باروا هبر دانگ بکننت.

### جُست:

- شما تا انون پنت و سوگه او شکتگت؟
- کئ پنت و سوگئ گشتگه کنت.
- پنت و سوگهانی او شکتن و وانتن چی کتھی داریت؟

- به ای انسانانی سرا دلسوچی بکننت، به آعزتئ واوندئ سرا که خوار بوتگ بیت، به آدارایی و هستیئ واوندی سرا که نیستگار بوتگ بیت و به آء داننگی سرا که به نا سر پدانی وختا تباه بوتگ بیت.
- سئ چیز انسانا گاره کنت(حرص، اسوتی و کبر).
- گون درو گُبرا دوستی مه کنت، دروگ بُرگورا پگی وِرا انت که دورا نزیک و نزیکا دور نشانه دنت.
- دو دیم و دو روسی علامه داریت. وهدی که هبره دنت دروگه شیت، وهدی که کئول دنت تسره نه رسینیت و وهدی که آیرا امانتی دانگ بیت خیانته کنت.
- هر چیزی که باز ودی بیت، رو وکدری کمه بیت، مگه علم وزانگ هر چنکس باز بیت گیشتر رو وکدر و دیه کنت.

• پو و سرپد آ انت که به وتی کستما وش بیت و به بازین ډیل و ډالی چیزان گوازی مه وارت.

- په جهانانا شه مُچان بی وسین مردم آ انت که وتی نفسی رمانابیت.
- نیکیی بنا تال و پای وش انت. مگه گناهی بنا وش و پای تال انت.
- یک عالم وداندگی واک شه یک لک نا سر پدان گیشتر انت.
- وتی پیدگا به دگرانی خیرا بگندت.
- هیچکسا مه جورینت.

عزیزین وانندگان!

- ای سبخی نوکین کلیماننا سیایگ بکنت.
- دو وانندگ په رون نوکین سبخا بوانیت.

- پنچ ډل بیت وگون وت په پنت وسوگی سبخی باروا کراری هبربدیت ورندا شه هر ډلی یک وانندگی چیزیکه زانت په دگران بگشیت.
- شه هر ډلی یک وانندگی په رون یک یک پنتا به تختی سرا بلکیت.

- سی وانندگ په رون

اولی په حرص

دومی په اسوتی

وسومی په کبری

باروا هبربدنت



- سی وانندگ په رون دو دو پنتا په برزین تواری بوایت.  
 - چیزیکه انون گشتگه بیت په جوانی بلکت و جائیکه لازم انت، ټک، کامه، سوالیه و ندائیئ علامهانا بلت.

سمیکولن یا ټک دارین ویرگول(؟)

ای علامه په نبشتهانی هما بارو جملانی جتا کرتنا کار مرزه بیت که گون وت ربط و بستگی بدارنت و به ټکی اشتنا اړمه بنت چو: وعده و کټولی سرا او شتاتن جوان انت؛ بد کټول وتی ایتوبارا زوریت؛ مردم آکسی سرا باور دارنت که وتی کټولی سرا کوشتیت. ویا ایش که: شه انسانی ایران آپ ونان انت؛ پُچ و پوش انت؛ لوگ و جاه انت؛ کار و کاسبی انت.

- سی وانندگ په رون ټک دارین ویرگول یا سمیکولنی(؟) علامی تعریفا په بُرزین تواری بوایت.

- به وتی نبشتهان سمیکولنی کارمرز کرتنی ډولا به یاتا بدارت.

ای سبخی پنت و سوگهانا به وتی کتابچهان بلکت و شه بر بکنت.

- چیزیکه انون گشتگه بیت په جوانی بشکنت ورندا جستانی پسوا بگشت.

۱- کئی انسانی جوانین همراه انت؟

۲- دانندگ چیا وانت؟

۳- آمردم که آیا آت چی گشت؟

۴- دانندگ چی گشت؟

۵- پچی تادمیکه کتابا ونت تانکا نه ات؟

- سی وانندگ چیزیکه دیما شه جستان او شکنت یکواری دگه شه بر په رون بگشیت.

- په ای کلیمان به وتی کتابچهان یک یک جمله بلکت.

دلسوچی

دودیم

کدر

وش

بی وسین

تال

مه جورینت

- سی وانندگ په رون ای مطلباً پنت و سوگهانی او شکنت و به اجتماعین زندگیا عملی

کرتن په امی پیدگ وکتا انت " په برزین تواری بوانیت.

## دگرانی حکي کدر

### مخسد:

- واندگ بواننت و بلکنت.
- دگرانی حکي کدرا بزانت.
- مقدارين قيدا به سبغا درست کنت.

### جست:

- حک، چيا شنت؟
- دگرانی حکي کدري زانتن چي پيدگ داريت؟

حک، بار، ونډ و کوتا شنت، به سماجين زندگيا مچين مردم حکي واوندانت که ای حکاني درست کرتن و په برزين چمي ديستن باز اهميت داريت. په ايشی که يک راجی مردم په دل جمعی و آسوده حالي زندگي بکننت بايد يکی آدگرئ حکا په بُرزين چمي بگندنت. حک باز ډولي انت که ماس و پس، معلم و استاذ، مزن و سپی ريش، همسايگ و کسیکه گون اما به يک کوچگ، هلک و شارا زندگيه کنت هرگجامی حکي داريت. اگه وتی دورا بگندن و گون جوانين نيت و ارادی دگرانی حکا په برزين چمي بگندن، امی حک هم شه دگرانی نیمگا په برزين چمي ديستگ و خونديه مانيت. دگرانی حکا کدر ورو داتن و په برزين چمي ديستن امی سماجين زندگيئ زمه واری انت، هر چنکس اما ای ذمه واریا گهتر تسر برسینن به هما کچا نا امی شان و عزت به ايشک و آشکي مردم و راجی تنها گيشتره بيت. رد کاری ورد راهی پای نه داريت، بلی نیکی و جوانين پيرزو و روا داری برو حاصل عدل و انصاف انت که به آيي مچانی حک خوندي و برجا مانيت. عزيزين واندگان!

- ای سبخی نوکین کلیماننا سیایگ بکنت.
- دو وانندگ په رون نوکین سبغا بوانیت.
- پنج ډل بیت و گون وت په دگرانی حکئی باروا هیربدیت رندا دو وانندگ شه دو ډلا هر گجامی په وار
- اولی په وانندگ و استاذانی حک
- دومی په هماوانی حکئی باروا که گون اما به یک کوچگا زندگیه کننت هیر بدینت.

عزیزین وانندگان!

- سی وانندگ په رون ای سبخی یک یک بارا په برزین تواری بوانیت.
- به ای سبغا مچین و گیشتر مقداریین قید انت که به جملان کار مرز بوتگنت. انون شما چار جمله بلکت که به آوان ای مقداریین قید بیا ینت.

گیش

مچ

لهتین

گرد

- چیزیکه انون گشگه بیت په جوانی بلکت و ټک، کامه سوالیه و ندائیه علامهانا جائیکه لازم انت بلت.
- دو وانندگ په رون چیزیکه شه ای سبغا په دگرانی حکئی کدري باروا زانته په دگران بگشیت.

گسویین کار:

- ای سبخی دو بهرا به وتی کتابچهان بلکت و په وتی کهولی باسکان بوانت.

- چیزیکه انون گشتگه بیت په جوانی بشکنت و رندا جستانی پسوا بگشت.

۱- مسلمان که گون یکی ادگرادیم په دیمه بنت باید چون کننت؟

۲- اگه یکی آدگرا مهمان بکنت آدگه چون بکنت؟

۳- اگه یکی نا جوړ بیت آدگه چون بکنت؟

۴- اگه یکی مریت آدگه چون بکننت؟

۵- اگه یکی کار بکنت آدگه چون کننت؟

- سی واندگ چیزیکه دیما شه جستان گشتگ بوت یکووار دگه په رون شه بر بگشت.

- په ای کلیمان جمله بلکت.

حکا

برزین

دورا

کدر

پیرزو

- سبخی ای باراً "حک، بار، ونډ و کوتاشنت، به سما جین زندگیا مچین مردم حکمی

واوند انت که ای حکانی درست کرتن و په برزین چمی دیستن باز اهمیت داریت" په

رون په برزین تواری بوانت.

## قناعت

### مخسد:

- وانندگ سبڤا بوانت و بلکنت.
- قناعتا بزانت و و ترا به قناعتا هیل دینت.
- حرفانا به جملان کار مرز کرتگ بکننت.

### جُست:

- قناعت چیا شنت؟
- قناعتی پیدگ و کت چي انت؟
- پچی قناعتا مزین پیه و دارایی شنت؟

هر انسانی په وتی اړانی بوجگا شه وتی کاروزحمتا وتی کستمی کاساچیزی دستا کاریت. به کسمتا راضي ووش بوتن، قناعت گشتگه بیت، قناعت کنوک پاک و سادگین زندگیا پسند داریت، بازین ډیل و ډال و سور و ساتی پدا نه گردیت و مدام وتی کار و ذمه وار یا په سدک و راستی دیما بارت و شه چیزیکه په آیی رسیت وش انت و شکره کشیت. وهدی که قناعتی جوانین تب و خو به مردما رست آیرا انچو سیر و صبوره کنت که گشی باز دارا و هستگار انت و شه هچیا کمی نه داریت و شه هر چیا پوره انت، به ای رازی مردمانی دل و مجگا دروگ و دروه بازی راه ودی کرتگه نه کنت. انچین مردم اگه گنج و دارایی واوند انت یا وتی شپ روچی توشگی کاسا دارنت په دلجمی و امیت زندگیه کنتت. هیچبر و ترا زیانه نه کنتت و وتی کار و کاسییا په جذبه و جوش تسره رسیننت. پمیشا به مردمانی میانجینا و شنام و عزتی واوند انت.

قناعتی و اوند و ترا شه ویلین خرچ و شات و بات داتنا ساتنت و کردی وتی وسا خرچ و مصرفه کننت و گون پرواک و جوانین نیت و ارادی وتی زندگیا دیما برنت.

و شنام و زبرین زندگی هم همیشه انت که انسان قناعتی خو وتبی و اوند بیت، چیزیکه کسمت انت به آبی وش بیت و په صبر و کراری په وتی زندگی گه بود یا کوشش و تلواسگ بکنت.

هر چنکس که انسان به قناعتی دارگی پانادا خواری و زحمت بکشیت به هما کچانا جوانین زندگی و اونده بیت.

عزیزین وانندگان!

- ای سبخی نوکین کلیمانا سیایگ بکنت.

- دو وانندگ په رون نوکین سبخا بوانیت.

- پنچ دل بیت و گون وت په قناعتی با روا هبریدیت، رندا یک یک وانندگ شه هر دلی قناعتی جوانیا په وتی دگه همراهان بگشیت.

- ای کلیمانا په جوانیا به جالگی جملانی اورکین جاگهان بلکت.

وش

گشتگه

سادگین

به کسمتا راضی و ..... بوتن قناعت ..... بیت. قناعت کنوک پاک و ..... زندگیا پسند داریت.

عزیزین وانندگان!

- سی وانندگ په رون ای سبخی یک یک بارا په برزین تواری بوانیت.

حرف:

حرف هما انت که تانکاوت مانای نه داریت مگه نام و فعلانا وهمی ورا جملانا یگجا کنت که آوانی پورهین مانا روش بیت، حرف باز ډول داریت که ادا چیدگ و درور آورنگ بوته.

تها؛ شه نا مارندا کیت و معنای داخل انت. چو: گسئ تها، باگئ تها، به تی انت نه انت سرئ یا سرا: خدا سرئ فضل کرت، بلای شه آیی سراگوست یا سرئ کوټگا ناوت نزاورت که ادا سرئ مخسد عدد انت.

به: کتاب به میزی سرانه انت.

چیرا جالگا معنا دنت چو؛ کاسگی چیرا، کالانی چیرا

شه یا اچ: شه لوگا آتون، شه مکتبا شتون، کلما شه آیی بزن. دو اوگانی شه همازران بزور. تا: تا کندز شتگیت تا نیمروچا رسیت.

انگته:

تننگا:

بگردنت پدا راحت کتگ رد      تننگا تازگنت ورناشمی پد

گون: گون من بره، گون آیی کار بکن، گون من چیزی نه انت.

به اینگو: من آیرا شه پاری به اینگونه دیستگون.

پا: هم په برزگی مخسدا استعماله بیت، شه پاری پامی گسا نیاتگیت.

شه دیر پا به اینگو آیرا ندیستگون.

گسویین کار:

په قناعتی کدري باروا نښتانکی به وتی کتابچهان بلکت که چار کشک بیت.



- چیزیکه انون گشتگه بیت په جوانی بشکنت و رندا جستانی پسوا بگشت.

۱. چی درچک و سبزگانی گاربوگ و انسانی ناڈرایي سببه بنت؟
۲. کشارگر په وتی کشارگریی حاصلئ گیش کنگا شه چیا کاره گرت؟
۳. کیمیاوین حشم په چیا تاوان داریت؟
۴. درخت و نهالانی نادینتن په کی پیدگ داریت؟
۵. ډگار گون چیا بر اهداره بیت؟

- سی وانندگ چیزیکه دیما شه جستان او شکنت په رون په برزین توارى بوانیت.

- په ای کلیمان یک یک جمله به وتی کتابچهان بلکت.

سادگین

رسیت

قناعت

وشنام

- سی وانندگ سبخی ای بهرا"به کسمتا راضی ووش بوتن، قناعت گشتگه بیت، قناعت

کنوک پاک و سادگین زندگیا پسند داریت، بازین ډیل و ډال و سور و ساتی پدا نه

گردیت، مدام وتی کار و ذمه واریا په سدک و راستی دیما بارت وشه چیزیکه په آئیه

رسیت وش انت و شکره کشیت" په رون په برزین توارى بوانیت.

## خدا نظر " سرمچار "

### مخسد:

- واندگ بوانت و بلکنت.
- گون شاعر و نویسو کا درستی بنت.
- په شیر گشتنا شو قمند بنت.



### جُست:

- بلوچیی زوانی چنت شاعری نا ما زانت؟
- شه شما کی شیرا وش داریت؟
- خدا نظر " سرمچار " کی انت؟

خدا نظر " سرمچار " ملا محمدی زاگ، به هجری شمسی ۱۳۳۴ سال، به نیمروزی ولایتی، چخانسوری ولسوالی شادی خانی کاودی بوت. بنگیجی تعلیم به ظهیر الدینی مکتب، متوسطا به کنگی ولسوالی ابوداد سجستانی مکتب ولیسا به زرنجی شاری فرخی مکتب در برت وبه ۱۳۵۵ سال به کابل پوهنتونی و ترنری فاکولتا شامل بوت، به ۱۳۶۰ سالی دلوی ماها فاکولتی دورا الاس کرت.

به پوهنتونی دورا به رادیو افغانستانی بلوچیی پروگراما گشوک و نویسوکی ورا کاره کرت و به شیروشاعریا هم جوانین سرودلی واوندات که به آبی شیران وطنپالی جذب و جوش په جوانی دیستگه بیت که گیشتر به آ وهدی سوبی هپتگ تاکا چاپ وشه رادیوا شینگ بوتگنت.

وهدی که سرمچار شه پوهنتونا الاس بوت تا دیرپا به گلی (حزبی) کاران سرگتم ات و به ۱۳۶۵ سال نیمروزی ولایتی والی بوت و ۴ سال به ای وظیفه منت شه آبی و پد په پوجیین خدمتی تسر رسینگا شت وبه ۱۳۷۰ سال ای دورا هم په سوب گوازینت.

شه ۱۳۷۱ ساله سرکارین کارا یک پانادامت و آراتین کار و مشکولی به دیما گپت. وهدی که به ۱۳۸۴ ساله در گیجگ بنا بوت و ترا مردمانی نمایندگی ورا نام گپت کرت که شه نیمروزی ولایتی مردمانی نیمگا به ولسی جرگه در گیتگ بوت.

عزیزین وانندگان!

- ای سبخی نوکین کلیماننا سیایگ بکنت.
- دو وانندگ په رون نوکین سبخا بوانیت.
- پنچ ډل بیت و په ای شاعر و نویسوکی زندگی باروا گون وت هبربدیت، رندا شه هر ډلي یک یک وانندگ چیزیکه شه ای سبخا هیل زر ته به صنفی دیما په وتي دگه همراهان بگشیت.
- انون سی وانندگ شه یک کتاری شه صنفی دگه کتاری وانندگان په ای شاعر و نویسوکی زندگی باروا سوچ بکننت و جوابانا بشکننت.

خدا نظر "سرمچار" ی پکرو خیالا به آیی شیرا په جوانی دیستگه کنن کلامی چیدگ:  
چخانسور جان و منی عمرئ بهارنت  
منی کلین هستی و دار و ندارنت  
بهشت جاودان و حورو غلمان  
منی باگ و گلشن و منی لاله زارنت  
منی عشقت و محبت و گل و بال  
منی کل امیت هماهشکین ډگارنت  
کنین ډیل گو آیی نا ماونشانان  
ته قیامتا چه آبا تنت چه خوارنت  
غرور و پُل و شان و ناز و شوق منی  
چخانسورنت، چخانسور منی وقارنت  
نه یک جانی، بیت صدجان کنین ندر  
ته روچ محشرا ای منی شعارنت  
پچه من "سرمچار" شین ای کلاما؟  
منی پسو و پیروکی حاک و مزارنت  
خدانظر "سرمچار"

- چیزیکه انون گشتگه بیت په جوانی بشکنت و رندا جُستانی پسوا بگشت.

۱. بلوچی چونین زوانی انت؟
۲. بلوچی گون گجام زوانا نزیک انت؟
۳. گجام زوانی بازین لبزو کلیمی به بلوچیا انت؟
۴. بلوچی شه فارسیا چنکر دیمترا انت؟
۵. بلوچی شه پهلویا چنکر دیما انت؟

- سئ وانندگ چیزیکه دیما شه جستان او شکنت یکواردگه په رون شه بریگشیت.

- په ای کلیمان به وتی کتابچهان یک یک جمله بلکت.

دربرت

الاس

منت

سوب

شت

گیشتر

شئیرا شه برکنت و په وتی همراهان بوانت.

# سوداگری نپ وکت

## مخسد:

- وانندگ بواننت و بلکنت.
- سوداگری کاسیا درست کنت.
- حلال و حراما بزانت.
- راستی کدرا بزانت.



## جست:

۱. سوداگری و دوکانداری چونین کاسی انت؟
۲. چیا حلال و چیا حرامه گشن؟
۳. کسیکه به سوداگر یا دروگه شیت و کلپه کنت چون انت؟
۴. کسیکه به سوداگر یا راسته شیت چون انت؟

سوداگر و دوکاندار هما انت، که به چیزانی زیتن و بها گرتنا سرکتم انت. سوداگری و دوکانداری جوانین کاسی انت. ایش شه دور و نزیکین جاگهان وړ وړی چیز، ازباب و سیلانا زینت و په بها کرتنا شه یک جاگهی به دگه جاگهی برنت و مدام کوششه کنت بودو جوانین چیزانا بزینت و په شری بسانت و به جائیکه بها کنت برسینت.

سوداگر به ای کاسیا په وت و په دگران خدمته کنت. کسیکه به سوداگر یا دروگه بریت و کلپه کنت و په چم ولیم لوتیت ویل و نا خستین چیزا په برزین نیری بها بکنت خیانت کرته و چیزیکه دستا کاریت حرام انت. حرامین روزی موندی نه داریت و زوت شه دستا روت.

بلی کسیکه به سوداگری و دوکاندار یا سدک و راستیه کنت، مردما نا نه ریپینیت و حکمی نیمه دار انت، زانت که دگری حکمی وارتن حرام انت دگه په شری وتی و دگرانی حکمی سرا دلگوشه کنت کسی را گوازیه نه دنت به تول و ترازوا انصاپه کنت، پیدگ و کتی

که دستا کاریت په آبی حلال انت. انچین مردمانی دارایی و روزی مدام وی و برکت و دیه کنت.

همائیکه به سوداگری و دوکاندار یا دست گپ انت گرد وتی خیرا به راستی و پاکیا گندنت و زانت که پیدگ و کتی که شه سدک و راستیا دستا کارنت حلال انت و چیزیکه به آبی کلپی و چوتی بیت حرام انت.

عزیزین وانندگان!

- ای سبخی نوکین کلیمانا سیایگ بکنت.
- دو وانندگ په رون نوکین سبغا بوانیت.
- پنچ دل بیت و هر دلی په سوداگری و دوکانداریی باروا گون وت هیربدیت.

- انون دو وانندگ

اولی په راستی و حلالی باروا  
دومی په دروگ و حرامی باروا هیربدنت.

عزیزین وانندگان!

- سئ وانندگ ای سبخی یک یک بارا په برزین تواری بوانیت.
- چیزیکه انون گشتگه بیت په شری بلکت و جائیکه لازم انت تپک، کامه، سوالیه و ندائیه علامهانا بلت.

- جالگی جملانی اورکین جاگهانا گون ای کلیمان پر کنت

راستی و پاکیا- کلپی و دروگا

جوانین- خرابین- نارواین

حلال- حرام

سوداگری و دوکانداری ..... کاسبی انت.

همائیکه به سوداگری و دوکانداریا دست گپ انت باید وتی خیرابه ..... بگندنت.  
چیزیکه په سدک و راستی به سوداگریا بدستا کیت ..... انت.

گسویین کار:

هر گجامی شه شما شش کشک په سوداگری پیدگ و کتی باروا به وتی کتابچهان بلکت.

- چیزیکه انون گشتگه بیت په جوانی بشکنت و رندا جُستانی پسوا بگشت.

### جُست:

۱. سوداگر و دوکاندار په اما چه پیدگ دارنت؟
  ۲. اگه سوداگری و دوکانداری داب مه بوتین چونه کرتن؟
  ۳. اگه اما وت په هرچیزی و دی کرتن و زیتنا گت بن چیه بیت؟
  ۴. گجام پیدگ په سوداگر و دوکاندارا حلال انت؟
  ۵. گجام زر و پیدگ حرام انت؟
- سی وانندگ چیزیکه دیما شه جستان گشتگ بوت یکواردگه شه برېگشیت.  
- په ای جالگی کلیمان یک یک جمله بلکت.

سوداگری

زیننت

کاسبی

کلپی

- سبخی ای بهرا "سوداگر و دوکاندار، هما انت، که به چیزانی زیتن و بها کرتنا مشکول انت" په رون په برزین تواری بوانت.



## متل و گالوار

### مخسد:

- وانندگ سبځا بوانت و بلکت.
- متل و گالوارانا درست کنت.
- متل و گالواراني کار مرز کرتنا بزانت.

## سال که سک انت سلاحک انت

### جُست:

- برزگا چه لکتگ بوته؟
- متل و گالواراني گشتنی مخسد چي انت؟
- کي متلی گشتگه کنت؟
- متل گون دود وریدگا چی ربطی دارنت؟

متل و گالوار په یک کئوم و اولسی اصلین دود و ریدگی خصوصیت و ارزشتانی زانتن و درست کرتنا مزین کنهډي و سرچمگ زانتگه بنت.

متل و گالواراني کار مرزکرتن، گُشتن و اوشکتن په مخسدئ گشگ و تسر رسینگا باز کټوک انت. مثالی وړا وهده که به گپ وهبری تنها گشتگه بیت سال که سک انت سلاحک انت.

ایش باز مزین مانای داریت که انسانا به جوانین خو وتب و داد و دهشتا شیرکه کنت که سرآیی که کم چونی و غاتی انت باید حکک و حکدار و مسافر و راه رو عزت بیت و بی خوت و ورگی مه مانیت و سلاجتگ بیت.

ای رازی متل و گالوار دگه که هرگجامي به خاصین موضوعی باروا گشتگ و کارمرز کرتگه بنت بازانت که هر کتره و پاسی شه مردماني نیمگا گُشتگ و اوشکتگه بنت.

متل و گالوار بلوچیی زوانی ادب و لبرانکی مزین باری زانتگه بنت که شه سالان سال  
مجگ به مجگ و سینگ به سینگ ساتگ وبه و هده و ختی گشتگ و اوشکتگ بوتہ  
وبنت کہ به مردمانی سماجین زندگیا کارین تاثیر دارنت.

عزیزین وانندگان!

- ای سبخی نوکین کلیمانا سیایگ بکنت.

- دو وانندگ په رون نوکین سبخا بوانیت.

- سبخا کرار "بیتوار" بوانت، اگه متل و گالواری زانت به کتابچها بلکت.

- پنج دل بیت و هر دلی وانندگ گون وت په متل و گالوارانی باروا هبردیت.

- شه هر دلی یک یک وانندگی په رون یک متلی بگشیت

- شه ای کلیمان په جالگی جملانی اورکین جاگهان گچین کنت.

متل و گالوار

مزین

سالان

ساتگ

بوتگنت

..... بلوچیی زوانی ادب و لبرانکی ..... باری زانتگه بنت که شه ..... سال  
مجگ به مجگ و سینگ به سینگ ..... وبه و هده و ختی گشتگ و اوشکتگ  
..... و بنت.

عزیزین وانندگان!

- سئ وانندگ ای سبخی یک یک بارا په برزین تواری بوانیت

- چیزیکه انون گشتگه بیت په جوانی بلکت و جائیکه لازم انت

ټک، کامه، سوالیه و ندایی علامهانا بلت.

- جالگی متلانا بوانت و شه بر کنت.

- کلاوگی سرشه دیمی زیان بوتگیت.
- گوک که پیر بوت پندانگ وابه گندیت.
- روچ گون دو ناونا چیر داتگه نه بیت.

- دور شه گنو کئی پوچکا.
- دنیا په امیت وار تگه بیت.
- ته په من که من په ته.

### گسویین کار:

برزگی متلانا به وتی کتابچهان بلکت و په وتی کهولی باسکان بوانت و شه آوان بلوټت که په شما متل بگشت.

### عزیزین وانندگان!

انون چیزیکه گشتگه بیت په جوانی بشکنت و رندا جستانی پسوا بگشت.

- تا کدی بلوچی متل و گالوار به کاگدی دیما نبشته نه بوتنت؟

- په اولی وارا کئی متل و گالوارانی نز آورتنا بنا کرت؟

- چنکس متل و گالوارا نز آورت؟

متل و گالوارانی نز آورتن و کتابی لکتن چه پیدگی په بلوچانی دود وریدگا داریت؟

- کئی آیی خدمتانا په برزین چمی گندیت؟

- دو وانندگ چیزیکه دیما شه جستان گشتگ بوت شه بریکواردگه بگشیت.

- په ای کلیمان جمله بلکت.

سرچمگ

دود و رییدگ

غات

زانن

- سبخی ای بارا"متل و گالوار به یک کوم و اولسی اصلین دود و رییدگی خصوصیت و

ارزستانی زانتن و درستی کرتنا مزین کنهی و سرچمگ زانتگه بنت" په رون په برزین

تواری بوانت.

# راديو

## مخسد:

- واندنگ بواننت و بلكنت.
- شه راديوي ودی بوتن و کټ و اثرا سی بنت.
- گون حال و هبرانی اوشکتنا خوبگرت.
- مقداریین قیدا به جملان بزانت.



## جُست:

۱. به عکسا چیه گندت؟ په آیی باروا هبربدیت
۲. کئی گشتگه کنت شه راديو چي کار گپتگه بیت؟
۳. شما راديوي دارت، گجام پروگرامانی کوشکت؟

په اولي وارا ايتاليابين داندگي که نامي مارکونی ات به ميلاديی ۱۸۹۵ سالا راديوي جوړ کړت و به لندن په مردمانی سيلانشان دات.

سری وهدا شه راديو کارگرگ کم ات و به بیستم پیریا راديو گيشتر ديمری کړت. به امی عزیزین وطن افغانستانا راديو په اولي وارا به امان الله خانی حکومتی وختا گون جرمنی حکومتی کمکا به هجری شمسیی ۱۳۰۶ سالا به کارا پرینتگ بوت. مردم گون راديوي اوشکتنا شه حال و هبرو وړ وړی جارارن سیه بنت و هر رازی شیر و ساز و زيمل او شکتگه کنت.

گون علم و زانگی دیماروگا به انونین و هدا به جهانارووری رادیو جوړوبه کارا پریتنګ بوته که گون برق، بطری و پیتاپی روشنیا کاره کنت.

به امی عزیزین وطن افغانستانا بیدی افغانستانی ملیین رادیوا به وطنی باز ولایتان رادیوی استیشن جوړوبه کارا پریتنګ بوته که به چنتی زوانان پروگرام شینگه کنت.

رادیو شه حال رسینگی باز جوانین وسیلان انت که به کمین وختی بازیین مردمی را به باز دورین جاگهان شه حال و هبران سیه کنت و په ایشی که گونډ و مزین کچانئ گروکین وسیله ودی بوته دگه په باز آسانی به هر جاگی که لوپتګ بن گون رادیوی اوشکتنا شه حال و هبران سی بوته کنت.

عزیزین وانندگان!

- ای سبخی نوکین کلیمانا سیایګ بکنت.
- دو وانندګ به رون نوکین سبخا بوانیت.
- پنچ ډل بیت و هر ډلي په رادیوی باروا گون وت هبر بدیت.

- شه جالگی کلیمان په ډولین جملی جوړ بکنت.  
رادیوی گون اما شه حال و هبران سیه بن اوکشتنا

عزیزین وانندگان!

- سی وانندګ په رون ای سبخی یک یک بارا په برزین تواری بوانیت.
- چوکه به دیمتری سبخان و انت و زانت که قید هما کلیمه انت که گون آیی فعلی معنا روش و خاص کرتګه بیت و چیزی را گون زمانګ، هد، حالت و وړو وډولا کیده کنت

که ڪموڪي، باز، گيشتر، گيش، بس، ڪم، لهٽين، چيزي، مچ، مچين، درست، تيوگين،  
 ڏراين، گردانا مقدارين قيد انت شما به اي سبڻا مقدارين قيدا ودي بڪنت.  
 - چيزيڪه انون گشگه بيت په جواني املابلڪت و جائيكه لازم انت ٽڪ، ڪامه، سواليه و  
 ندائبي علامهانا بلت.

- سي وانديگ په رون په وتي وش  
 اولي په راديوي حال وهبر  
 دومي په جارو اعلان  
 سومي په ساز وزيملي بارو هبربدنت.

گسويين ڪار:

مچين وانديگ اي سبڻا به وتي ڪتابجهان بلڪنت.

عزيزين وانديگان!

چيزيڪه انون گشگه بيت په جواني بشڪنت ورندا جستاني پسوا بگشت.

جست:

۱. شه راديوا په چي شينگ ڪرنا ڪار گپتگه بيت؟
۲. چي باز ارزان وسبڪ انت؟
۳. چي بي ڪاگدين حالتا ڪي ورا انت؟
۴. ڪي په آساني شه باز چيزان سي بوتگه ڪنت؟
۵. پچي اما بايد انت راديوا بشڪنن؟

- سئ وانندگ په رون چیزیکه دیما شه جستان گشتگ بوت یکووار دگه شه برېگشیت.  
په ای کلیمان یک یک جمله جوړ بکت.

په اولی وارا

اوشکتنا

انونین وهدا

سیه کنت

- سبخئ بنیادین بزانتا" په اولی وارا ایتالیاین دانندگ (مارکونی) به میلادی ۱۸۹۵ سالو  
رادیوی جوړ کړت و به لندن په مردمانی سیلانسان دات. په رون په برزین تواری بوانت.

## ملل متحد

### مخسد:



- واندگ بواننت و بلکنت.
- ملل متحدئ سازمانا درست کنت.

### جُست:

- ملل متحد چونین سازمانی انت؟
- ملل متحدئ سازمان کدی جوړ بوته؟
- به ای سازمانا گجام ملک بار دارنت؟

برا سالان که جهانین دومی مرو جنگ رادگ ات و سول و امنی و دی بوتن و برجامانگی ضرورت باز دیستگه بوت به مزین کانفرانسی که به ۱۹۴۳ سالی نوامبرا به مسکو جوړ بوت، امریکا، انگلستان، چین و شوروی جار کرتنت که په بین المللین سول و امنیتی ساتنا باید بین المللین مزین سازمانی جوړ بیت که به آیی مچین سول دوستین دولت بار داشتگ بنت و ای سازمانی دپتری دپ به مچین کسان و مزین مُلکانی دیما پاچ بیت.



هما ات که به ای کانفرانس ودگه بین المللیین کانفرانسائی آسرو نتیجها ملل متحدئ بین المللیین سازمان به ۱۹۴۵ سالی اکتوبرئ ۲۴ جوړ بوت.

ملل متحدئ سازمان، امنیتئ شورا، اقتصادی و سماجیین شورا، قیمومیتی شورا، بین المللیین محکمئ دیوان و دارالانشاء داریت. به دارالانشاء مزین منشی و ملل متحدئ دگه دایره انت، مزین منشی، ملل متحدئ سازمانی اصلیین مدیرانت که به امنیتئ شورائ سوگه و سلاو شورا شه مزین مجمعی نیمگا په پنج سالا گچینه بیت.

مزین منشی سالی تها یکوار په آء سازمانی کارئ باروا رپوته دنت ملل متحدئ سازمانی نند ونیا دجاگه به نیویارک انت.

ملل متحدئ سازمانی مخسد و واهگ ایش انت که بین المللیین سول و امنیت برجا و ساتگ بیت، ملتانی دوستیئ رابطه گیش بیت، اقتصادی، سماجی، دود و ربیدگین سکی و مسئله حل بنت، آدمیزاتی حکانی جهانیین جاری بنیادیین حک و آزاتی احترام بنت.

به ملل متحدئا یونسکو و یونسیف آ موسسه انت که یونسکو په تعلیم و رودینگی کارانی گهبودی، بیسوادیی زیان کرتن و دود و ربیدگی، علمی و سماجیین تچ و تاگانی گهترین سررسینگ و یونسیف په گونډین زاگانی ڈرائی ساتن و آوانی آرامی و زندگیی گهبودیا کاریین تاثیر دارنت.

عزیزین وانندگان!

- ای سبخی نوکین کلیمانا سیایگ بکنت.
- دو وانندگ په رون نوکین سبخا بوانیت.
- پنج ډل بیت و گون وت په ملل متحدئ کدر و روی باروا هبر بدیت.
- به گجام سالا مزین کنفرانسی په ملل متحدئ سازمانی جوړ بوتنا جوړ بوت آیراودی و به وتی کتابچهان بلکت.

۱۹۴۳

۱۹۴۷

۱۹۸۰

- سی وانندگ ای سبخئ یک یک بارا په برزین تواری بوانیت.  
- چیزیکه انون گشتگه بیت بلکت و جائیکه لازم انت، ټک، کامه، سوالیه و ندائیی  
علامهانا بلت.

- سی وانندگ په رون:

اولی په ایشی که ملل متحدئ سازمان کدی جوړ بوت.  
دومی په ایشی که ای سازمانی دپترئ دپ به گجام مُلکانی دیما پاچ انت.  
و سومی په ایشی که ملل متحدئ سازمانی اصلیین مدیرکئ انت.  
هبربنت.

- یکوار کرار (بیتوار) سبخا بوانت هما شعبه ایکه ای کارانا کنت آیرا مالوم و ایشک و  
آشکی خطی بکشت.

په تعلیم و رودینگی کارانی گهبودی، بیسوادیی زیان کرتن، دود و ربیدگی علمی و  
سماجیین ټچ و تاگانئ تسر رسینگا کاره کنت.

امنیتی شورا

یونسکو

قیمومیتی شورا

ای سبخئ اولی بارا به وتی کتابچهان بلکت و په وتی کهولئ باسکان هم بوانت.

- چیزیکه انون گشتگه بیت په جوانی بشکنت ورندا جُستانی پسوا بگشت.
۱. ملل متحدئ صندوقی نام که په گوندین زاگان انت چی انت؟
  ۲. ای صندوق کدی جوړ بوت؟
  ۳. ای صندوق شه کی نیمگا جوړ بوت؟
  ۴. ای موسسه به ملل متحدئ گجام شعبی نظری چیرا کاره کنت؟
  ۵. ای موسسی بنجاین دپتر به گجا انت؟
  ۶. گون ای موسسه کئی کمکه کنت؟

- سی وانندگ چیزیکه دیما شه جُستان گشتگ بوت یکواردگه شه بر بگشیت.

په ای کلیمان یک یک جمله بلکت.

گچین

دنت

مخسد

سی وانندگ سبخی ای باراً ملل متحدئ سازمان به ۱۹۴۵ سالی اکتوبری ۲۴ جوړ بوت " په رون په برزین تواری بوانت.

# نیک کرداری

## مخسد:

- وانندگ بواننت و بلکنت.
- نیک کرداریی کدر و روا بزانت.
- سوجین قیدانا درست کنت.

## جُست:

۱. نیک کرداری چیا شنت؟
۲. پچی شنت نیکی زیانه نه بیت؟
۳. پرچی نیک کردارین مردما مچ دوست دارنت؟

نیکی و نیک کرداری جوانین خو وتبی انت. همیکه بنیادم گون ای خووتبا هیل گپت، گلهان زانت که گجام کارانا تسر برسینیت وچی ورا وچون په دگران نیکی برسینیت. ای رازی مردم زانت که هیچی تاگلسرا نه مانیت، نه زر و دارائیه مانیت و نه ماری و کلات، بلکین چیزی که مانیت و به دگرانی دل و مجگا جاودیه کنت نیکی و نیکین کردارانت.

ایش اگه بی وس و ناداری را کمک و دستگیریه کنت، یا په دگری آسوده حالی و آرامیا کاریه کنت یا شه دو مردمی میانجینا جیره و سکیا زوریت، نیکین کرداری تسر رسنیتگیت.

شه انچین مردمانی نیکین کردارا آیی نزدیک و سیاد، حکدار، همسروگ و همسایگ خیره گندنت و آیی خیراهمه لوپنت. ایش دروگه نه گشت کسی پسلا وپدا هبره نه دینت، حرامه نه ورنت و به دلاکینگ و گندگین نیتی و دیه نه کنت.

نیک کردارین مردم هما باگوانی ورا انت که په باز امیت و صبر نیوگ دارین درچکانی نهالانا نادینیت، آپه دنت، سوه کنت و ویل و بی ثمرین جک و کوپورانا دوره کنت.

به امی و پنا چشین نیک کردارین مردم باز انت که گون وتی نیکین عمل و کرداران، و شنام و سربرز بوتگنت، ایش اگه مردین زاگ انت یا جنین زاگ، اگه گونپوتگنت یا مزن، به شاران بوتگنت یا به ده وهلکان، به گسان بوتگنت یا به مالرداری گدانان مدام به نیکی و نیک کرداری پکرا بوتگنت و چنکر که به ای راهها گام زرتگنت و بازین سکی و زحمت دیستگنت، شه وتی کارا وش بوتگنت. پرچی که آء و ترا به وتی زندگی مزین مخسد و واهگی رسگا نریک دیستگنت.

چنکس که اما ای نیک و نیک کردارین کسانا دوست دارن و په و شنامی و بالگ عزتیش کنن، لوتهن و تراهم به ای جوانین خو و تبارسینن.

عزیزین وانندگان!

- ای سبخی نوکین کلیمانا سیایگ بکنت.

- دو وانندگ په رون نوکین سبخا بوانیت.

- پنچ دل بیت و هر دلی گون وت په نیک کرداری بارواهر بدیت.  
- سی وانندگ په رون ای سبخی یک یک بارا په برزین تواری بوانیت.

سوج و پرسى قید:

سوج و پرسى قید په کارى تسر رسگى جست و سوجانى باروا کارمرزه بیت.  
چو: کدی، گجام، گجانگو، چنت، چنکر، پرچی، پرچیا چون، چی ورا، چنکس ودگه.  
کدی آتگیت؟، کى شتگیت؟، گجا نگوشتگیت؟، چون آتگیت؟، پچی آتگیت؟

- شما شه ای سبخى اول بارا سوجین قیدا ناودی و به وتی کتابچهان بلکت.  
- چیزیکه انون پشما گشتگه بیت په جوانی بلکت، تک، کامه، سوالیه و ندائیه علامهانا بلت.

گسویین کار:

هر گجامی شه شما په نیک کرداری باروا نشتانکی بلکت که شه چار کشکا کم مه بیت.

چیزیکه انون گشتگه بیت په جوانی بشکنت رندا جُستانی پسوا بگشت.

۱. وهدی که گرکه وسپیت چمی چونه بنت؟
۲. پچی گرک به وایی وختا وتی یک چما بندیت ودگرا پاچه کلیت؟
۳. گرگ بوا شه دورازانت یا نزیکا؟
۴. گرک چی وختا په پَس وُبزی شکارا روت؟
۵. اگه گرک بزانت که انسان آیی زورانه داریت چونه کنت؟
۶. گرکی دو لائیگ پچیا انت؟

- انون سئ وانندگ په رون چیزیکه دیما شه جُستان او شکنت یکواردگه شه بربگشیت.

- په ای کلیمان به وتی کتابچهان یک یک جمله بلکت.

هیل

چون

نیکین

- سبخئ ای بهرا"نیکي و نیک کرداری جوانین خو وتبی انت. همیکه بنیادم گون ای خو وتباهیل گپت گلهان زانت که گجام کارانا تسر برسینیت و چی ورا وچون په دگران نیکي برسینیت" شه بر په برزین تواری بوانت.

## نکل

### مخسد:

- وانندگ بواننت و بلکنت.
- شه راستکاریئ برزین صفتان سی بنت.
- راستیی کدرا بزانت.

### جُست:

- کئ سدک و راستیی پیدگا گشتگه کنت؟
- شه شما کئ سدک و راستیی باروا نکلی زانت؟
- آء که سدک و راستیه نه کنت پای چون انت؟

یک وختی جنین زاگی لوټ ابریشمین جوانین جامگی به امام اعظم ابوحنیفه (رضی الله عنه) سرابها بکنت.

ابوحنیفه (رضی الله عنه) شه آیی سوچ کرت:

- ای جامگی بها چنکس انت؟

جنین زاگ گشت:

- بهایی صد درهم انت.

ابوحنیفه (رضی الله عنه) گشت:

- نه، ای جامگ شه صد درهما گیشتره کرزیت.

جنین زاگ شه ابوحنیفه (رضی الله عنه) ای هبری اوشکتنا حیران بوت که چون ای

جامگی بها بازه شیت، صد، صد درهم دگه جامگی بها برز برت و به چارصد درهما رسینت.

ابوحنیفه (رضی الله عنه) گشت: ای جامگی بها شه ایشی هم گیشتر انت.

جنین زاگ گشت:

- مگه منا مسخره کنی؟

ابوحنیفه (رضی الله عنه) گشت:

بره یک مردین زاگی گون وت بیار که جامگی بها بگشیت.

جنین زاگ شت و مردین زاگی گون وت آورت. آمردین زاگ جامگی نیرا ۵۰۰ درهم

اشت و ابوحنیفه (رضی الله عنه) جامگا په ۵۰۰ درهم زیت.

دمیکه جنین زاگ جامگی بهائی زرا زرت و شحال بوت و شه ابو حنیفه (رضی الله عنه) ی

سدک و راستیا و شنودی روش کرت وُشت.

شه ای نکلا ابو حنیفه (رضی الله عنه) سدک و راستی روشه بیت که سرآیی که جنین

زاگی سر پاچه نیات و جامگا آیرا په کمین بهای دات آء سدک و انصاف کرت و

جامگا په همانکس که کرزت زیت.

اما باید شه ای نکلا پنت بزورن و په وتی پیدگ و کتا دگری حکا مه ورن.

- پنج دل بیت و هر دلی په ابوحنیفه (رضی الله عنه) ی سدک و راستیی باروا گون وت

هبردیت.

عزیزین وانندگان!

- سی وانندگ ای سبخی یک، یک بارا په برزین تواری بوانیت.

- مقداریین قیدی کلیمانا شه ای سبخی تھا ودی ورندا به وتی کتابچهان بلکت.

- چیزیکه انون گشتگه بیت په جوانی بلکت و جائیکه لازم انت، تک، کامه، سوالیه و

ندائیه علامها نابلت.

- شه شما هر وانندگی که کسانین نکلی زانت په وتی همراهان بگشیت.

- دمیکه جنین زاگ شه ابوحنیفه (رضی الله عنه) ی هبرا که جامگی بها بازگشت حیران

بوت گجام یکی شه ای کچانا به جامگی بها برز برت، ودی و به ایشک و آشکی خط

بکشت.

پنجا، پنجا درهم دگه جامگی بها برز برت و به دوصد درهما رسینت

صد، صد درهم دگه جامگی بها برز برت و به چارصد درهما رسینت



دو صد، دو صد درهم دگه جامگی بها برز برت وبه هشتصد درهما رسینت

گسویین کار:

ای نکلا به وتی کتابچهان بلکت و شه بر بکنت و په وتی کهولئ باسک و دوستان بگشت.

عزیزین وانندگان!

چیزیکه انون گشتگه بیت په جوانی بشکنت ورندا جستانی پسوا بگشت.

۱. گجام حیوان په آسانی گون وتی بارانندیت و کوشتیت؟
۲. اگه اوشر تا چنت روچا آپ مه وارت صبر داریت؟
۳. اوشر جکا بازوش داریت یا جوا چیا په جوانی هضم کرتگه نه کنت؟
۴. اوشری پوست زندهو سک انت یا نازرک و نرم؟
۵. اوشری حلال کرتنی جوانین وخت به آیی چنت سالگیا انت؟
۶. اوشری گوشت تا آیی چنت سالگیا نرم انت؟
۷. پچی اوشر گارستان و گیابانی جازه شنت؟

- سی وانندگ په رون چیزیکه دیما شه جستان گشتگ بوت یکوار دگه شه بر بگشت.

- په ای کلیمان یک یک جمله به وتی کتابچهان بلکت.

بها

کرزیت

زرت

اشت


وشنودی

پنت

# برقی تاثیر به زندگیا

## مخسد:

- وانندگ بواننت و بلکنت.
- شه برقی تاثیرا به زندگیا سی بنت.
- حرفی تعریفا بزانت.
- به جملان حرفانا درست کنت.



## جست:

- چنت رازی برقا درسته کنت؟
- بیدی آپین برقا شه دگه چیا برق ودیه بیت؟
- بطریی برق شه چیا ودیه بیت؟
- پچی باید برقی لوچین سیما دست مه جنن؟

په انونین دور و باریا، برق به انسانانی زندگیا، مزین تاثیر داریت. شه دیر پا به اینگو برقی تاثیر زانتگ بوته و به زندگیی جتا جتاین باران برقیین راز رازی ازباب و وسیله به کارا پرینتگ بوته که هم ارزان انت و هم په انسانا ضرر و تاوانی نه رسیت.

به آ جاگهان که انگته برق نه رسته مردم گون وړ وړئ سکیان دیم په دیم انت، سکی چه که گون هر رازی ضرر و تاوانان هم دیم په دیم انت. مثالی وړا: جائیکه برق نه انت مردم په وتی گسانی روشن کرتنا نپته سوچنت که یکيو نپتین چراگ ونپتی زیتنی خرچ باز انت ودگه ایش که نپتین چراگی دوت انسانئ سرو چم و گسی دیم و پُچ و لیسانا ککرو سیاه کنت و په انسانئ دُرأیا ضرره رسینیت.

برق چنت راز پیدا بیت.

- آیین برق: که گون برقی بندانی جوړ کرنا دستا کیت.
  - حرارتین برق: که گون سوتنن چیزانی سوتنا دستا کیت.
  - بطریی برق: که گون کیمیاوین چیزانی اشتنا به بطریانی تنها دستا کیت.
- برق دو رازا انت، یکی اوشتانگ و آدگه رادگ انت. رادگین برق گون سیما به برزین تیلوکانی سراسه جائیکه دستا کیت به دگه جاگها برتگه بیت.
- به برقی کار گرگا دلگوش کرتن ضروری انت باید برقی لوچین سیمانا دست مه جنن برقی لوچین سیمانی دست جتن انسانی مرکئی سبیه بیت.

عزیزین وانندگان!

- ای سبخی نوکین کلیمانا سیایگ بکنت.
- دو وانندگ په رون نوکین سبخا بوانیت.
- پنچ ډل بیت و هر ډلي په برقی کدری باروا گون وت هبردیت .
- شه هر ډلي یک وانندگی په رون هر گجامی په یک وسیلی باروا هبردنت که به برقاشه آبی کار گیتگه بیت.

عزیزین وانندگان!

- سی وانندگ په رون ای سبخی یک یک بارا په برزین تواری بوانت.
- شما به ای کتابی دیمی سبخان و نتگت که حرف چیا شنت و زانت که حرف هما انت که تانکاوت مانای نه دنت مگه نام و فعلا ناوهمی وړا جملانا یگجا کنت که آوانی پورهین مانا روش بیت و حرف باز ډول داریت جالگا حرف دیستگه بنت، شما په هر گجامی به وتی کتابچهان یک یک جمله بلکت.

تها:

تهی یا تی:

سری یا سرا:

به:

چیرا:

تا:

انگته:

گون

په:

به اینگو:

پا:

گسویین کار:

برقی کدرئ باروا نبشتا نکي بلکت که شه ۴ کشکا کم مه بیت.

عزیزین وانندگان!

- چیزیکه انون گشتگه بیت په جوانی بشکت ورندا جستانی پسوا بگشت.

۱. برق چون شه جائیکه دستا کیت به جائیکه کارگپتگه بیت برتگه بیت؟
۲. پچی باید به برقی لوچین سیمان دست مه جنن؟
۳. گرمی و سردی به برقی سیمانی سراچی تاثیر داریت؟
۴. گجام وختا برقی سیم کش و به گجام وختا شله بنت؟

- سی وانندگ چیزیکه دیما شه جستان گشتگ بوت یکواری دگه شه بر بگشت.

- په ای کلیمان جمله جور بکنت.

برق

نیت

دوت

ککر

- سبخی ای بارا "به انونین دور و باریا برق به انسانانی زندگیا مزین تاثیر داریت" په رون په برزین توارى بوانت.

## دستین صنعت

### مخسد:

- واندگ سبغا بوانت و بلکنت.
- دستین صنعتا که مردمانی دود وریدگین میراث انت درست کننت.
- دستین صنعتا کدر کننت و هیل بزورنت.



### جست:

- دستین صنعت چیا شنت؟
- گجام دستین صنعتی نا ماگشتگه کنت؟
- گون دستین گجام صنعتا بلد ات ودلچسپی دارت؟

دستین صنعت هما کارانت که شه مردمی نیمگا گون دستا تسره رسنت که شه مردمانی دود و ریدگین میراثا زانتگه بیت. امی وطنی جنین زاگ و مردین زاگ به دستین صنعتا دیما انت و گون دستانی برکتا وری وری چیز جوړه کننت.

شه پشم و پمگانی دسگا راز رازی غالی، یک پت و دوپتین کونپ گوالک، تورگ، شیکین، پر زونگ، ارجین، گدی تکر، پتو، جراب، انجگ، دستکش و کلا گوپتگه بیت و گون پشم و کرکی موشتنا زندین تیر جوړه بیت که بودین تانی دارنت.

همی راز دست دوچیئ کبدانین جامگ، زی، استونکی دپ وزنچک، کلا، دستمال و سر جاهانی پهل دوچی و شه درچکانی باشلوکان چپرو شولانی گوپتن شه آشکولیان انت که مردم په وتی اړو ضرورتی وری چیزانی بریبر کنگا به آوان دست گت بوته وانت.

بیدی ایشان به وطنی دگه ولایتان گچ کاری، کاشی کاری و شیشگی جوړ کرتن جوانین گوستگی داریت و امی هموطن شه دستین صنعتا جوانین نپ و کتی گرت.

عزیزین وانندگان!

- ای سبخی نوکین کلیماننا سیایگ بکت.
- دو وانندگ په رون نوکین سبغا بوانیت.
- سی ډل بیت و هر ډلی گون وت په دستین صنعتی بارواهر بدیت. رندا شه هر ډلی په رون یک یک وانندگ په دستین هما صنعتی باروا که به وتی نزیکا دیسته په وتی دگه همراهان هبر بدنت.
- په جالگی جستا سی پسو داتگ بوته، راستین پسا و دی ورندا به وتی کتابچهان بلکت.

به امی وطن کئی دستین صنعتا دیما بارت؟

۱. مردین زاگ
۲. جنین زاگ
۳. مردین زاگ و جنین زاگ

عزیزین وانندگان!

- سی وانندگ ای سبخی یک یک بارا په برزین تواری بوانیت.
- چیزیکه انون گشتکه بیت په شری بلکت و جائیکه لازم انت ټک، کامه، سوالیه و ندائیه علامهانا بلت.
- سی وانندگ دستین صنعتی سی پیداواری باروا چیزی که زانتت په رون په وتی دگه همصنفاان هبر بدنت.
- پنچ ډل بیت و گون وت به هما چیزانی سرا هبر بدیت که گون دستا جوړ کرتگه بنت رندا شه هر ډلی یک یک وانندگ که ای چیزانی باروا په جوانی بزانت.
- اولی په غالی و یک پټ و دوپتین کونټ
- دومی په گوالگ، تورگ، شیکین و پرزونگ
- سومی په ، دستکش، جراب و انجگ

چارمی په تپړ

و پنجمی په کبدانین جامگی زی، استونکی دپ و زنجکی باروا هبر بدنت.

گسویین کار:

هر گجامی به وتی کتابچهان په چپر و شولانی گوپتنی باروا نبشتانکی ۳ کشکی کاسا بلکت.

عزیزین وانندگان!

- چیزیکه انون گشتهگه بیت په جوانی بشکت و رندا جستانی پسوا بگشت.

۱. سبزگ، علف و نهال په چیا اړانت؟

۲. سبزگ شه چیا وراک جوړه کنت؟

۳. مال چیه ورنه؟

۴. اما شه چیا شیر، گوشت و روغن دستا کارن؟

۵. پرچی باید په آپ و سبزگا دلگوش بکنن.

- سی وانندگ په رون چیزیکه دیما شه جستان او شکتت یکواری دگه شه بر بگشتن.

په ای کلیمان یک یک جمله به وتی کتابچهان بلکت.

گوالگ

پر زونگ

شیکین


- دو وانندگ سبخی ای بهرا "دستین صنعت هما انت که شه مردمی نیمگا گون دستا

تسره رسنت که شه مردمانی دود و ربیدگین میراثان زاننگه بنت" په رون په برزین تواری

بوایت.

# پمگ

## مخسد:



- وانندگ بوانت و بلکنت.
- پمگی اقتصادیین پیدگا بزانت.
- مرکبین ناما بزانت.



## جست:

- پمگ به دگاراکشتگه بیت یا درچک داریت؟
- چنت چیزی ناما بگشت که شه پمگا جوړه بیت؟
- پمگ گون چیا رستگه بیت؟

پمگ شه کشار گریئ، برو حاصلان انت. کشارگر به وهده و وختی به دگاراکشتگه پندانگ کشت و تا سوز بوتن و برو حاصلی نزاورتنا چنت وار آبه دینت. همیکه پندانگی بتگ نریک یک متر برز بنت و کالکی لپ سک بنت، پمگ شه کالکی برزگا دره بنت وختیکه مچین کالکی سپیت بوت و پمگ در آنتت پمگی چنتی وخته رسیت که په جوانی کالکانی پمگ چتگ و نز آورتگه بنت. به پدامتگ ونیستگارین ملکان پمگی چتن و پندانگی جتا کرتن و دسگی رستن گون دستان به چرک، چرو جلکی وسیلا بیت. مگه به دیما شتگین ملکان پمگ گون کمباینا چتگ و نز آری و گون ماشینان به کارخانه رستگ و رنگ داتگه بنت. که شه ای دسگان راز رازی پکر، پر زونگ، شیکین، گوالگ، تورگ، ارجین و کونپ گوپتگه بیت.



همی راز به طبییا شه پمگ و پمگین دسگ و ټکران کارگیتگه بیت و به گسان شه پمگالپ، نالین و سرجا جوړه کنت.

به صنعتی و دیما شتگین ملکان شه کالکی لټ، بلگ، پندانگ و پمگادهان چیز جوړه کنت و پمگی اقتصادین پیدگ آنکه باز انت که پمگاسپیتین زره گشت.



عزیزین وانندگان!

- ای سبخی نوکین کلیمانا سیایگ بکنت.

- دو وانندگ په رون نوکین سبخا بوانیت.

- پنچ ډل بیت و هر ډلي په پمگی باروا گون وت هبریدیت. رندا هر وانندگی که پمگی کالکا دیسته په وتی دگه همراهان په پمگی کالکی وړو ډولی باروا هبریدنت.

- په جالگی جستا دو پسو لکتگ بوته بریرین پساوا به وتی کتابچهان بلکت.

پمگین چیز گجام وهدا رنگ داتگه بنت.

۱- رندا شه رستنا دسگ رنگ کرتگه بنت.

۲- رندا شه ټکری جوړ کرتنا ټکر رنگ داتگه بنت.

- سی وانندگ ای سبخئی یک یک بارا په بُرزین تواری بوانیت.  
مرکبین نام- مرکبین نام هما انت که شه دو یا گیشتر کلیمی رودبند "ترکیب" کرتنا جوړ  
بوتهگ بیت چو باگ + وان = باگوان، کار + خانه = کارخانه مرکبین نام انچو جوړ  
کرتگه بنت:

۱. شه دوناما: کارخانه، آپ و دوگ، آپ و واد.
۲. شه دو فعلا: گروکش، هست و نیست.
۳. شه نام و صفتا: سیاه دیم، سپی ریش، بد روچ.
۴. شه عدد و ناما: دو کارچ، چارپاد، چار شاخ.
۵. شه فعل و صفتا: وش بیت، زندگ بیت، شاد بیت.
۶. شه دو مصدر: شتن و آتن، روگ و آیک، همله و هلگر، پلگ و لپگ کشگ و بندگ.

- پنچ ډل بیت و هر ډلي په برزگی مرکبین نامان جمله جوړ و په یکی آدگر بگشت.

- چیزیکه گشتگه بیت په شری بلکت و ټک، کامه، سوالیه و ندائیه علامهانا جائیکه لازم  
انت بلت.

مرکبین نام و آیی جوړ کرتئی ډولا شه برزگا به وتی کتابچهان بلکت و شه برکنت.

- چیزیکه انون گشتگه بیت په جوانی بشکنت و رندا جستانی پسوا بگشت.

### جُست:

۱. په پمگی جتا کرتنا شه پندانگ و رستنا جائیکه ماشین نه انت شه چیا کاره گرت؟
۲. ای وسیله گون چیا کاره کننت؟
۳. جلک چونین چیزی انت چیی کارا کیت؟
۴. شه چرکا چه کار گپتگه بیت؟
۵. شه چرا چی کاره گرت؟

- سی وانندگ چیزیکه دیما شه جستان گشتگ بوت یکواری دگه شه بر بگشیت.

- په ای کلیمان یک یک جمله جوړ بکنت.

پمگ  
پندانگ  
کالک  
رستگ

- سی وانندگ سبخی ای بهرا "پمگ شه کشار گری، برو حاصلان انت. کشارگر به وده و وختی پندانگ کشت، شه کشتن تا سوز بوتن و برو حاصلی نز آورتنا چنت وار پمگی کشارا آبه دینت" په رون په برزین تواری بوانت.

# پیتاپی گرمیئ زد

## مخسد:

- وانندگ سبغا بوانت و بلکنت.
- پیتاپی گرمیئ پیدگ و تاوانا بزانت.
- مقداریین قیدا درست کنت و به جملان آورتگ بکنت.

## جست:

- پیتاپی گرمی چی پیدگ داریت؟
- چون و ترا شه جل جتن و پیتاپی زدا بساتن؟
- کسانین زاگانی جان دراگشتن په پیتاپا چی تاوان داریت؟

پیتاپی گرمی، په مچین مخلوقات، سوزگ و کشت و کشارا باز پیدگ داریت. میکروبا نازیانه کنت و په دگه زنده جانانی سلامتیا پیدگ و کت داریت. پیتاپی روشنی انسانی بدنئ ضروریین چیزانا پوره کنت. اگه انسانا گرمیئ زد بجنت تاوان داریت، همائیکه به گرمیئ زدا کاره کنت و آوانا گرمیه جنت گون راز رازی نا جوړیان دیم په دیمه بنت. بازین گرمی په مردما عرخ و دیه کنت که گون عرخا بدنئ واد و آپ دره بنت و بدنئ پوست حشکه بیت، وختی که پوست حشک بوت، بدنئ کسانین دروچه بنده بنت و بدنئ حرارتی اندازه برزه روت و تپ و دیه بیت. بری وهدا حونی فشار هم برزه روت و به اعصابا درد و دیه بیت. پیتاپی گرمیئ زد گونډین زاگانی سرا گیشتر گندگین تاثیر داریت. پمیشا باید گونډین زاگانا میلن که لوچ و جان درا به پیتاپا چار کنت، آوانی مچ بدن باید گون پچ و پوشا چیر داتگ بیت و شه پیتاپی زدا دور ساتگ بنت.

پیتاپی گرمیئی زد یا جل جتن دلئی اوشتا تن و حونئی مزین رگی تر کگی خطرا گون وت داریت. بازین گرمی انسانا شه حالا کشیت. همیکه جای گرمیا زانن باید زوت وترا به سردین جاگی برسینن و زوت وتی دست و دیم و پا دانا گون سردین آپا بشودن. په ایشی که وترا شه جل و گرمیئی زدی تاوانا بساتن ووتی کارانا هم په جوانی دیما برن شه گساچئی کارانا گهترانت به تاریی سردین هوا و دیگرآ تسر برسینن.

عزیزین وانندگان!

- ای سبخئی نوکین کلیمانا سیایگ بکنت.
- دو وانندگ په رون نوکین سبخا بوانیت.
- پنچ دل بیت و گون وت په گرمیئی پیدگ و کتئی باروا هبربدیت.
- شه ای کلیمان به جالگی جملانی اورکین جاگهان بلکت.

مخلوقات

کشت و کشارا

میکروبانا

سلامتیا

پیتاپی گرمی، په مچین..... سوزگ و ..... باز پیدگ داریت.  
..... زیانه کنت و په دگه زنده جانانی ..... پیدگ و کت داریت.

عزیزین وانندگان!

- سی وانندگ ای سبخئی یک یک بارا په برزین تواری بوانیت.  
- به گوستگین سبخان مقداری قیدا و انته و درست کر تگت و چو که گندت به جالگی جملان چو:

کریمداد وتی مچین پسانا چت

مچ رمگ گیابانا انت

لهیتن گوک شه گوروما منته

من گردانا درسته کنین

به ای چارین جُمْلان مچین، مچ، لهتین، گردانا مقداری قیدی کلیمه انت.  
 - به ای سبخا مقداری قیدی دگه کلیمانا معلوم بکنت و شما وت دو جمله به وتی  
 کتابچهان بلکت که مقداری قید به آوان بیت.

گسویین کار:

هر گجامی شه شما په پیتاپی گرمیی باروا شش کشک یا گیشتر شه آیی بلکت و په وتی  
 کهولئ باسکان بوانت.

عزیزین وانندگان!

چیزیکه انون گشتگه بیت په جوانی بشکنت ورندا جُستانی پسوا بگشت.

۱. انسان باید و ترا شه چیا بساتیت؟
۲. چی په انسانا تاوان داریت؟
۳. انسان باید و ترا به گرمیا چون بساتیت؟
۴. سردین آپی وارتن به گرمیا په انسانا چون انت؟
۵. دگه چیی وارتن مردما تادیرا شه تناساتیت؟

- سی وانندگ چیزیکه دیما شه جُستان گشتگ بوت یکواری دگه شه بر بگشیت.  
 - په ای کلیمان یک یک جمله جوړ وبلکت.

پیتاپی گرمی

تاوان

عرخ


پوست

- سبخی ای بهرا "پیتاپی گرمی، په مچین مخلوقات، سوزگ و کشت و کشارا باز پیدگ  
 داریت. میکروبانا زیانه کنت و په دگه زنده جانانی سلامتیا پیدگ و کت داریت" په رون  
 په برزین توارى بوانت.

# کتابی وانگ

## مخسد:

- واننگ بوانت و نوکین کلیمانا بزانت.
- چیزیکه گشگه بیت لیکتگ بکننت.
- وانگی کدرا بزانت و گون کتابی وانگا خوبگرت.
- مرکبین نامانا درست کنت و به جملا آورتگ بکننت.



## جُست:

- به عکسا چیه گندت؟
- کتابی و وانگی کت چی انت؟
- اما چون شه گوستگین دورو باریی مردمانی زندگیا سیه بن؟
- مرکبین نام گجام انت؟

کتابی وانتن اما ره شه هر چیا سیه کنت. همیکه اما کتابه وانن شه هما دیماروگ و علم و زانگا سیه بن که داننگ و عالم شه آوان به وتی زندگیا کار گپته و آسرو نتیجی به کتابان نبشته کرتگنت.

کتاب جوانین دوستی ورا هر چی به دلا داشتگ بیت په اما گشیت وشه اما هیچیه نه لویتیت. گوستگین وهده و پاسانی کوشش و تلواسگانی جوانین آسر و نتیجه و آزمایگ که به کتابی ورخان لیکتگ و سیایگ بوتگنت گون کتابی و انگا دستا آتگه کنت.

وانگ و مطالعه چو گنجی ودی کرتنا انت، هر چنکس که اما گیشتر گون کتابی و انگا خو بگرن به هما کچانا ای گنجی رسگ په اما آسانه بیت، کتابی دوستی به امی دلا گشیره بیت و ای دوست باز کتوکین چیزانا اماره هیله دنت.

همانکس که کتاب وتی دلی حالا په اما گشیت و شه اما چیزی چیره نه ساتیت اما هم باید آیی کدرا بزائن و آیرا شه هوشا مه برن و ایشا بزائن که اگه به کتابی وانگا خوبگرن شه باز چیزان سی و سر پده بن و باز جاگهان وتی سکيانا حل کرتگه کنن. کتابی وانگ په مچانی پیدگ و کتیا انت، کسانى و مزنى نه داريت به هرسنى که ان چم و چار مه بن شه کمین وختی کت بگرن و کتاب بوانن.

عزیزین وانندگان!

- ای سبخی نوکین کلیمانا سیایگ بکنت.  
 - دو وانندگ په رون نوکین سبخا بوانیت.  
 - پنج دل بیت و هر دلی گون وت په وانگی پیدگ و کتئی باروا هبربدیت. رندا شه هر دلی یک یک وانندگ په مکتبئی کتابانی و انگی پیدگی باروا هبربدنت.

- شه ای کلیمان په جالگی جملانی اورکین جاگهان گچین بکنت.  
 وانندگ  
 اما  
 من  
 آء

..... ادیبین کتابانی و انگاوش دارین.  
 ..... به گساسبخه واننت.  
 ..... باید وتی کتابا پاک بساتن.  
 ..... هر روح کتابه واننت.

عزیزین وانندگان!

- سی وانندگ ای سبخی یک یک بارا په برزین توارى بوانیت.

سرجا  
 زانت جا



پیر بخش

- په برزگی مړکین نامان یک یک جمله به وتی کتابچهان بلکت.
- چیزیکه انون په شما گشتهگه بیت په شری بلکت و جائیکه لازم انت ټک، کامه، سوالیه و ندائیه علامهانا بلت.
- سی وانندگ په رون په هما کتابی باروا که وش داریت بوانیت، هیربدنت.

گسویین کار:

ای سبخی اولی بارا به وتی کتابچهان بلکت.

عزیزین وانندگان!

- چیزیکه انون گشتهگه بیت په جوانی بشکت ورندا جستانی پسوا بگشت.
۱. بلوچی ادب و لیزانک به گجام دورا شه وتی همپلین کوم و تمنانی زوانانی لیزانکا اثر زرتگیگت؟
  ۲. ای دروشم، رنگ و اثر به کهنین لیزانک و ادبا هم ات یا نه؟
  ۳. به گجام دورا پارسیی زوانی بازین کلیمه و لوزی گون بلوچی زوانا یگجا بوت؟
  ۴. چی سبب بوت که بلوچی ادب شه واپر بوتن، سادگی و آسانیا دریکیت؟
  ۵. پچی بلوچی ادب و لیزانک وتی عام فهمیا شه دستادات؟

- سی وانندگ په رون چیزیکه دیما شه جستان گشتگ بوت یکوار دگه شه بربگشیت.
- په ای کلیمان یک یک جمله جوړ بکنت.

وانن

گوستگین

- سبخی ای بهرا"وانگ و مطالعه چوگنجی ودی کرتنا انت، هر چنکس اما گیشتر گون کتابی و انگا خوبگرن به هما کچانا ای گنجی رسگ په اما آسانه بیت" په رون په برزین تواری بوانت.

## پاکی دُرائیا ساتیت

### مخسد:

- واندگ سبھا بوانت و بلکت.
- به دُرائیا پاکی پیدگ و کتا بزانت.

### جُست:

- پاکی په دُرائیا چه پیدگ و کتی داریت؟
- پچی باید وتی دستا ناگون صابونا بشودن؟
- اگه به پاکیا دلگوش مه بیت چونه بیت؟

په بنیاد ما پاکی باز کت داریت و به ای بارا اسلامی پاکین دین اماره پو و سرپد کرته که پاکی ایمانی باری انت.

هر روچ که شه گسا دره بن ککرین حاک و پلک به امی سر و دیما نندیت یا وهدی که ورزش یا کاری کنن یا باز پیادگ اینگور و انگور چاره ورن و عرخه کنن بازین حاک و پلکی امی دست و سرو دیمی سرا نندیت که په اما باز تاوان دارنت.

اگه وتی جان و سر و دیما پاک بساتن و پاکین پچ گورا بکنن میکروب په امانه رسیت، و ترا دُروا ساتگن و اگه به وتی پاکیا دلگوش مه کنن و و ترا شه حاک و پلک و کچتیان دورمه ساتن میکروب اماره گیت و نا جوړه کنت.

اما باید ای هبراد لگوش بدارن که به مردار و کچتین چیزان دست مه جنن، دیما و پدا شه نانی وارتن و پداهه دسشودیی در بوتنا وتی دستا ناگون صابونا پاک بشودن.

باید مدام وتی جان، سرئ مود و دست و پادا پاک بساتن و وتی دست و پادانی ناوانا زوت زوت بچینن و میلن که مزن بنت. پاکین پچ گورا بکنن.

عزیزین وانندگان!

- ای سبخئی نوکین کلیماننا سیایگ بکنت.
- دو وانندگ په رون نوکین سبخا بوانیت.
- پنچ پل بیت و گون وت په پاکی و دروایی بارواهر بدیت.
- په ای جملا گجام یکی شه جالگئی پسوان بریره کیت. به چوکاتی تنها به دیمی "ص" بلکت.

اما په وتی دروایی ساتنا

۱. و ترا شه میکروب و کچتیان دوره ساتن.
۲. وتی جان و سرودیمما پاکه ساتن.
۳. دیما شه نانی وارتن، پداهه آیی و پداهه دسشودیی در بوتنا وتی دستا ناگون صابونا پاکه شودن.

	اولی
	دومی
	سومی
	هرسئین

گجام یکین جوان انت. اولی، دومی یا هرسئین؟

- سی واندگ په رون ای سبخی یک یک بارا په برزین تواری بوانیت.  
 - چیزیکه انون گشگه بیت په جوانی بلکت و جائیکه لازم انت ټک، کامه، سوالیه و ندایی علامهانا بلت.

- په ای جملا گجام یکین پسو بریرانت به دیمئ "ص" بلت.

مردم شه آبی بده برنت و گون ناجوریا دیم په دیمه بیت.  
 ۱- شه کسیکه حاک وپلکانی تنها گردیت ووترا نه شودیت.  
 ۲- شه کسیکه به وتی پاکیا دلگوشه نه کنت.

	اولی
	دومی
	هردوین

په پاکیی باروا نښتانکی بلکت که سی یا چار کشک بیت.

- چیزیکه انون گشتگه بیت په جوانی بشکنت ورندا جستانی پسوا بگشت.

۱. وهدی که ناجوره بیت چونه بیت؟

۲. جان دردی، جگگ و بی سرودلی چیی علامه انت؟

۳. میکروب چی انت؟

۴. میکروب گجا ودیه بنت؟

۵. وهدی که ناجوره بن چون کنن؟

۶. مگه وت سرین دارو تاوان داریت؟

- سی وانندگ چیزیکه دیما شه جستان او شکنت یکواردگه په رون شه بریگشیت.

- په ای کلیمان جمله جوړ و به وتی کتابچهان بلکت.

کت

نندیت

پاک

- سی وانندگ سبخی ای باراً په بنیاد ما پاکی باز کت داریت و به ای باراً اسلامی پاکین

دین اماره پو و سر پد کرتی که پاکی ایمانی باری انت.

به رون به برزین تواری بوانیت.

## کارو کوششی آسر

### مخسد:

- وانندگ سبھا بواننت وبلکنت.
- کارو کوششی آسرو نتیجا بزائنت.

### جست:

- کار و کوشش چونین آسر و نتیجی داریت؟
- کار و کوشش په انسانا چی ودیه کنت؟
- کی باید کارو کوشش بکنت؟
- وانندگ شه کارو کوششا چی دستا کاریت؟

انسان باید به هر جاگهی کارو کوششا مه شמושیت. انسان گون کار و کوششا عزت و سر برزی ودیه کنت.

کشارگری که به وتی کشارگر یا زحمته کشیت. ډگارا آبه دنت، لنگارو مالگه کنت و چنت وار کشارا آبه دنت و به درو و دستگی وهدا درو و دستگه کنت و نزه کاریت، خرمنه کنت کتیت، گلانا کشیت و گسا بارت پاک و آرته کنت شه وتی کار و کوششا جوانین آسری گیت.

همی راز مالداریکه ماله ساتیت په مالانی ساتتنا باز زحمته کشیت و شپ و روچ کوششه کنت شه وتی مالدار یا جوانین نتیجی گیت وشه مالانی جوانین ساتنا آیی مالداریی برو کپ، گوشت، شیر، روغن، پشم و کورک گیشه بیت.

وانندگ که به مکتبا سبھے وانیت و به وتی سبھ و تعلیم زحمته کشیت په دلگوشی و پام وتی هر روچی سبھا په جوانیه زوریت و شپ و روچ کوششه کنت شه وتی سبھ و تعلیم جوانین آسرو نتیجی گیت و به آزمایگان برزین درجه و نمری گیت، په سوب و سر برزی شه یک صنفا به دگه صنفی روت.

مروچی که انسان دیمربی وترخی کرتگنت و به زندگیی جتا جتاین بهران راز رازی نوکین چیز ودی بوته شه کار و زحمت و کوششی برکتا انت.

- ای سبخی نوکین کلیمانا سیایگ بکنت.
- دو وانندگ په رون نوکین سبخوا بوانیت.
- سی ډل بیت و گون وت په کار و کوششی پیدگ و کتی باروا هبربدیت.

- گون ای کلیمان جالگی جملانی اورکین جاگهانا پوره بکنت.

سبخته

زحمته

زوریت

کوششه

وانندگی که به مکتبا..... وانیت و به وتی سبخی و تعلیما..... کشیت وتی هر  
روچی سبخوا په جوانیه..... وشپ و روچ..... کنت.

- سی وانندگ ای سبخی یک یک بارا په برزین تواری بوانیت.
- چیزیکه انون گشتگه بیت په جوانی بلکت و جائیکه لازم انت ټک، کامه، سوالیه و  
ندائیه علامهانا بلت.

- سی وانندگ په رون په کاسبیکه وش دارنت و په آیی کار و کوششی دارگا هبربدیت  
که چون دستا آورتگه کننت.

- به ای سبخوا مرکبین نام به جملان لکتگ بوته چو:

درو و دستگ

لنگار و مالگ

شپ و روچ

انون شما یک یک جمله دگه په ای مرکبین نامان به وتی کتابچهان بلکت.

په کار و کوششی پیدگ و کټا نښتانکی بلکت که شه ۴ کشکا کم مه بیت.

- چیزیکه انون گشتگه بیت په جوانی بشکنت و رندا جستانی پسوا بگشت.

۱. کئی آزمایگی چیرا گیتگ بوت؟
۲. اولینا چی گشتنت؟
۳. دومینا چی گشتنت؟
۴. سومینا چی گشتنت؟
۵. گجام یکین بایسکلا گیشتر برتگ کرت؟
۶. شه ای آزمایگا چی آسر و نتیجه گپتن؟

- سی وانندگ په رون چیزیکه دیما شه جستان او شکتت یکوار دگه شه برېگشیت.

- په ای کلیمان به وتی کتابچهان جمله بلکت.

سربرزی

جوانین

وتی

سوب

- سی وانندگ سبخئی ای بهرا "انسان باید به هر جاگهی کار و کوششا مه شموشیت. انسان

گون کار و کوششا عزت و سر برزی و دیه کنت" په رون په برزین تواری بوانت.



## بهار آت

بهار آتی هر سون موجه کنت گل

بنشپتنه ډگار در کپته سنبل

پدا زندگ بیوت هرچیکه مرت

درو دشت و تلارو عالمی گل

ډگار چاکوت گلی لاله در آتی

به دشتی تاجتی سورین په وت پُل

تچیت هر شيله گي تا سرمگین آپ

چمند سبزانت و باگ سرکشته کاکُل

هواساپنت و کشیت نرمگین گوات

چناری شر شرانت وانیت که بلبل

چه پیتایی که کنت باز نشتی کیپ

چه مهتا پین شپنت و پر تجمل

چه روچیکه گومي مچین جهانانا

ولوکه ذره بیت داریت تسلسل

"سلیمی" بست که پر فیضین بهاری

بکش جُهد و بکن کار په تحمل

## کهولئ زندگی

### مخسد:

- وانندگ کهولئ زندگی کدرا بزانت.
- کهولئ باسکانی خدمتا بکننت.
- وتی زمه واریانا بزانت.
- سادگین نامانا درست بکننت.

### جُست:

- کهولئ باسک کئی انت؟
- پچی کهولا بنیادمی اولی مکتبه گشت؟
- کئی په کهولئ باسکانی ذمه واریانی باروا هبرداتگه کنت؟
- جوانین کهول گجام انت؟

پس، ماس، براس و گوار یک کهولئ باسک انت. ایش به یک گسا زندگی کنت. ماس و پس کهولئ مزن انت. ایش کاره کنت و په وتی بچک و جنکان پچ و پوش و وراک و ديه کنت، آوانا په جوانیه رودیننت جوانین تب و خو و مردمگریا هیله دینت، بنیادم هرچیا شه کهولئ زندگی هیله زوریت پمیشا کهولا اولی مکتبه گشت.

به کهولئ زندگی مهر و دوستی، مردمگری و نیکی سلوک و جوانین تب و خو وده کنت و گیشتره بیت. مچ گندن ماس و پس که کهولئ مزن انت مزین ذمه واری دارنت په اما باز زحمته کشت.

اما که به ماس و پسی بازین زحمت و نیکی پیرزوانی برکتا رودن مزن و پرواک بن، زانگ و کماله زورن، هیچبر آوانی نیکیانا نه شموشن و تا ابد آوانی منت وارن.

اما براس و گوارهم که گون وتی ماس و پسا به یک گسی زندگی کنن، به مهر و دوستی و جوانین خود و تبی شپ و روچ یکی آدگری پانادا ان و ترایکی آدگری غمخوره زانن تا زندگن براسی و گواری کدرا زانن وتی کهولئ زندگی مهر و مابتا ساتن.

هما رازیکه کهولئ مزن په اما جوانین نیت و ارادی دارنت اما هم آوانی رمان زور و خدمت کنوک ان و وتی زمه واری و وظیفانا رازیکه برازیت تسره رسینن. اما زانن اگه کهولئ باسک وتی زمه واریانا په شری تسر برسینت هیچ ملامتی و پدمانی و دیه نه بیت. ای وړا کهولئ باسک وشین زندگی واونده بنت و شالیئ بن چمگ مهر و دوستی انت که بنیادمی جوانین صفت و خو وتبا ود و دیمریه دنت.

عزیزین وانندگان!

- ای سبخئ نوکین کلیمانا سیایگ بکنت.  
- دو وانندگ په رون نوکین سبخا بوانیت.  
- پنچ ډل بیت و هر ډلي په کهولئ باروا گون وت هبربدیت و بگشت که به یک کهولئ رندا شه پساکی په زاگانی جوانین رودینگا دلگوشه کنت.

عزیزین وانندگان!

- سئ وانندگ په رون ای سبخی یک یک بارا په برزین تواری بوانیت.

سادگین نام:

سادگین نام هما انت که اگه بار کرتگ بیت، آبی بارمانا نه دینت، وت تانکا یک مانا دارین باری انت.

چو: لوگ یا گس

مسیت

دست

درچک

استار

دپ

پاد

انون وتی سبھا بچارت ووت سادگین نامانا مالوم بکنت.  
- چیزیکه انون گشتگه بیت په شری بلکت وټک، کامه، سوالیه و ندائیه علامهانا بلت.

گسویین کار:

هر گجامی شه شما وتی کهولئی زندگئی باروا چارکشک به وتی کتابچهان بلکت.

عزیزین وانندگان!

- چیزیکه انون گشتگه بیت په جوانی بشکنت و رندا جستانی پسوا بگشت.

جُست:

۱. ناکو پیرداد کی هلکی مزن انت؟
۲. آپونین گوستگی داریت؟
۳. کجیرو باز محمد کی زاگ انت؟
۴. ای دو براس چیا شه کسانیا به هوشا دارنت؟
۵. آوانی پس و ماس آوانا په چیا باز سوگه کرتگنت؟

- سی وانندگ په رون چیزیکه دیما شه جستان گشتگ بوت یکواری دگه شه بر بگشیت.  
په ای کلیمان یک یک جمله جوړ بکنت.

باسک

مزن

رودیننت

بنیادم

سبخی ای بهرا" به کهولئی زندگیا مهر و دوستی، مردمگری، نیکین سلوک و جوانین تب و خو وده کنت و گیشتره بیت، ماس و پس به کهولا مزینن ذمه واریی دارنت" په رون برزین توارى بوانت.

## علم (زانگ)

### مخسد:

- وانندگ سبھا په شری بوانت و بلکنت.
- علمی مانا و کدرا بزانت.
- شه کلیمان جمله جوړ بکننت.

### جست:

- شه شما کئ په علمی باروا دو جمله گشگه کنت؟
- کئ علمی مانا گشگه کنت؟
- علم چی پیدگ داریت؟
- شه علمی برکتا بنیادم به گجا رستگنت؟

علم، زانن و آگاهیا گشنت، عالم شه علما باز پیدگ و کت گپتگنت و مزین سکيانا حلايته و به ترخی و دیما روگی نیمگاسک و پرواکین گام چست کرتگنت. علم وزانگ بنیادمی شان و بالگی سببه بیت، علم و زانگ بلوکین روشنایی انت که هر وړئ تاریکیا زیانه کنت، علم و زانگی یات گپتن بنیاد ما ای وسا دنت که هر چونین سکی و سوری حلاينگی پھرا راهی و دی بکننت. اما علم و زانگی کتو کین تاثیرا به وتی زندگی مچین باران په جوانی دیستگه کنن، هما کاری که غدیما به چنت ماها تسره بوت، نون شه علمی برکتا به چنت ساعتا تسره بیت.

هما که په علم و زانگی یات گرگا کوشش و تلواسگ کرتگنت و به ای راهها شپانا روچ و روچانا په زحمت گواز ینتگنت، آوانی نام مدام مانیت و مچین بنیادم شه آوانی علم و زانگی آسر و نتیجها پیدگ و کتھ گرت.

علم، مزن و شاییتین ناغدین دریابی وړا انت که تا انون کسی آیرا تا آخر غدی نه کرتھ و به آسرا نه رسینته، پمیشا هر چنکس علمی حاصل کرتنا جُهدو کوشست بیت الاسی نه داریت.

- ای سبخی نوکین کلیمانا سیایگ بکنت.
- دو وانندگ په رون نوکین سبخا بوانیت.
- پنچ ډل بیت و هر ډلی گون وت په علمی کدرئ باروا هبربدیت ورندا شه هر ډلی یک وانندگی چیزیکه شه علمی برکتا به وتی زندگیا شه آیی کاره گیت، نامی بگشیت.

- گون ای کلیمان جالگی جملانی اورکین جاگهانا پر بکنت.

علم  
عالم  
سکیانا  
گام

- .....، زانتن و آگاهیا گشنت، ..... شه علما باز پیدگ وکت گپتگنت و
- ..... مزین ..... حلاینه وبه ترخی و دیما روگی نیمگاسک و پرواکین .....
- چست کرتگنت.

- سی وانندگ ای سبخی یک یک بارا په برزین تواری بوانیت.
- چیزیکه انون په شما گشنگه بیت په جوانی بلکت و ټک، کامه، سوالیه و ندائیه علامهانا جائیکه لازم انت بلت.
- سبخا کرار "بیتوار" بوانت ورندا ای جستانی پسوی باروا پکر کنت که
- گوستگین سالان پچی امی وطنئ وانندگ شه علم و زانگا دور منتنت؟
- علمی یات گپتن په کئ فرض انت؟
- کدین مردم وتی سکی و سوریاانا حلایننگه کنت؟

ای سبځا به وتی کتابچهان بلکت و په وتی کهولئ دگه باسکان بوانت.

- چیزیکه انون گشتگه بیت په جوانی بشکنت و رندا جستانی پسوا بگشت.

۱. چی بنیاد مانا شه یک دوری به دگه دوری بارت؟
۲. انون اما به گجام قرن و پیریا زندگيه کنن؟
۳. پچی امی وطن شه ترخی و دیما روگئ کاروانا پدامنت؟
۴. اما چون وتی بازین سکيانا دور کرتگه کنن؟
۵. به ای باراکي ذمه واری گیشتر انت؟
۶. چه وختا اما دگرانا یات داتگه کنن؟

- سئ وانندگ په رون چیزیکه دیما شه جستان گشتگ بوت یکواردگه شه بربگشیت.

- په ای کلیمان جمله جوړ و به وتی کتابچهان بلکت.

علم

یات گپتن

تاثيرا

- سبځی ای بهرا "علم، زانتن و آگاهیا گشتت، عالم شه علما باز پیدگ و کټ گپتگنت و مزین سکيانا حلايته وبه ترخی و دیما روگئ نیمگا سک و پرواکین گام چست کرتگنت" په رون په برزین تواری بوانت.

# نکل

## مخسد:

- وانددگ بواننت و بلکننت.
- نکل و آسمانکانا بزانت.
- مقداری قیدا به سبغا درست بکننت.



## جست:

- کی آسمانک و نکلی زانت؟
- گرک و مردکی نکلا او شکنگت؟
- گرگ چونین حیوانی انت؟

ناکو بیبرگ که هرو هدا جوانین نکل و آسمانکه گشیت، ای واری په گرکی رستری و گندگی باروا هبر دات و گشت: زاگان گرگ گندگین حیوانی انت، زبر وتی هوشا بگرت و ای نکلا بشکننت.

روچی یک مردکی به راهی رادگ ات، چیزی دیما شت دیست گرکی به خفسی تها انت، گرک ای مردکا توار کرت و گشت: به ای خفسا باز پا زاب و سزاون، لهتین روچه بیت که منا ادا پریتنگت گشنگ و ټنگ اون.

مردکی دل که په گرکا سوت گشت: انون ترا الاسه کنین که گیشتر پازاب مه بی. زوت خفسی دپا پاچ کرت. گرک که رستر و گندگین حیوانی انت ای نیکیا به چمانه گپت همیکه شه خفسا در بوت په مردکی جانا حمله کرت که آیرا بوارت.

مردک گشت: منامه ورمنه زانین ته گشنگی کموکی بوشت په ته ورگی ودیه کنین، همی دما روباهی که شه راهها گوست ایشانی کپ و باساوشکت نزدیک آت و جست کرت. چی بوته، چیی هبرا دات؟



مردك مچين هبرا گشت، روباه كه باز چمبازين حيواني انت زانت كه گرڪ ملامت انت، كومكئ كدرا نه زانت شه رستري وزورا كاره گيت لوٽت په يك چمي پدوارگ آيرا به خفسى تها پرينيت دگه گشت: من بايد خفسا شه نزىكا بگندين ورندا فيصله بكنين، هر سئين سونى خفسا شتت به خفسئ نزىكا روباه گر كا گشت: يكوار خفسى تهاى بگندين خفسئ دپ چون بستگ و پاچه بيت، گرڪ كه خفسئ تها شت، روباه همادما خفسى دپا بست و مردكا گشت: انون بى غم بوتئ بره وسيكه كه دوارگ گوازي مه وري.

عزیزین وانندگان!

- ای سبخئ نوکین کلیمانا سیایگ بکنت.  
 - دو وانندگ په رون نوکین سبخا بوانیت.  
 - پنج ډل بیت و گون وت په گرکئ گندگی و رستری و روباهئ چمبازی باروا هبر بدیت.

عزیزین وانندگان!

- سی وانندگ په رون ای سبخئ يك يك بارا په برزین توارى بوانیت.  
 - كمى، باز، گيشتر، گيش، كم، لهتين، چيزى، مچ، مچين، درست، تيوگين، دراین، گرد مقداری قیدانت، شما ای سبخا کراری (بیتوار) بوانت و جائیکه مقداری قیده گندت آوانی جملانا به وتی کتابچهان سیایگ بکنت.  
 - چیزیکه انون گشتگه بیت په جوانی بلکت و جائیکه زانت ټک، کامه، سوالیه و ندائیه علامهانا بلت.

- سی وانندگ په رون  
 اولی په ای نکلی راهروین مردکئ دلسوچی  
 دومى په گرکئ رستری و گندگی

سومی په روباهې شپواری چمبازیئ  
باروا هبر بدیت.

گسویین کار:

ای نکلا به وتی کتابچهان بلکت و په وتی کهولئ باسکان هم بوانت و شه بر بکت.

عزیزین وانندگان!

- چیزیکه گشنگه بیت په جوانی بشکت و رندا جستانی پسوا بگشت.

۱. حیوان چنت ډولا انت؟
۲. گرگ چونین حیوانی انت؟
۳. گرک چونین راز و رنگی داریت؟
۴. وختیکه گرک گشنگه بیت چونه کنت؟
۵. گرک پچی و ترا به پس و بزانی رمگا پرینیت؟

- سی وانندگ په رون چیزیکه دیما شه جستان گشتگ بوت یکوار دگه شه بر بگشیت.  
- په ای کلیمان جمله جوړ و به وتی کتابچهان بلکت.

سزا

گندگ

حمله

چم بازی


حیوان

- سبخی ای بارا "گرک که رسترو گندگین حیوانی انت، نیکیا به چما نه گپت همیکه شه  
خفسا در بوت په مردکی جانا حمله کرت که آیرا بوارت" په رون په برزین تواری بوانت.

# بورغمي

مخسد:

- وانديگ سبڻا بواننت و بلڪنت.
- بور غمبي مانا بزانت.



جُست:

- بورغمي چيا شنت؟
- بور غمي چون انت؟
- كسيكه بورغميه كنت پاى چون انت؟

بورغمي و به من چي، و ترا شه زحمتا در برتن، گون دگران مدت و دستگيري نه کرتن جوان نه انت. هيچبر انسان بايد به بورغميا خومه گيت و تا جائيكه وسيه بيت و ساك وديه كنت اجتماعيين دلسوچي و ذمه واريي دارگا به پڪرا بداريت. شنت سئ بزگر به يك هلڪي ڊگارانا په كشتنا تياره کرتنت. آهم وتي ٽڪ باراني سرا تيشگه جتنت و هم گون وت هبره دانتنت. سبي ريشي كه آواني نزيڪيا نشتت هبرانث په جوانيه كوشكت.

هبر شه هبرا اولي بزگر گشت:

مني زاگ باز پرواك و چالاڪ انت، شه هلڪي زاگان هيچكه آبي زورا نه داريت. دومي بزگر گشت: مني زاگ هم همي راز انت، هيچكه چو آبيا ڊولي نه انت، آهر وهدا په وت نوڪين پچ و پوشه كنت و چيزي كه داب مه بيت گورا نه كنت. سومي بزگر گشت: اي راز كه شما شت مني زاگ هم شمئ زاگاني هم ذات انت، مگه آ آنكه پرواك نه انت و ڊولي هم نه انت كه نوڪين پچ و پوشي پڪرا بيت، په من جوان انت سر آئيڪه نوڪ رُسته بازه تلوسيت منا كوڀگ بدنت.

شه ای سئ بزگرانی هبرا انچو معلومه بوت که هر گجامی شه وتی زاگوش انت.  
 به ای وهدا هر سین بزگرانی زاگ که شه مکتبا الاس بوتنت و راهش هم همینگوات  
 رستنت. اولی بزگری زاگ سلام دات ووش آمد کرت دمی ایشکو و آشکا چارت  
 وسونی گساشت. دومی بزگری زاگ هم وتی پسیا آت و کتره یی پدترا گساشت.  
 سومي بزگرئ زاگ وتی پسیا آت ورندا شه وش آمد و هبرا تیشگاشه وتی پسازیت و  
 گشت بابو جان ته ژند بوتگی آساک بگر تې ټک باری کارا منه کینن.  
 پیره مردیکه شه نزدیک بزگرانی هبرانا او شکت و آوانی زاگانی آتنا دیست گشت: ای  
 زاگ شه آء دوزاگا پرواک ترو بر اهدار تر انت، ایش بورغم نه انت، دلسوچ و  
 غمخورانت زردی نه سگت که وت بروت وپسی کاربکنت.

عزیزین وانندگان!

- ای سبخی نوکین کلیمانا سیایگ بکنت.
- دو وانندگ په رون ای سبغا بوانیت.
- پنچ دل بیت و هر دلی په بورغمیی باروا گون وت هبربدیت.

عزیزین وانندگان!

- سئ وانندگ په رون ای سبخی یک یک بارا په برزین تواری بوانیت.

نفین قید:

نفی یا دور کرتنی قید هما انت که چیزی نه بوتن، نه کرتن و نه زرتنا قیده کنت و علامی  
 نه، نا، هیچبر نه انت  
 چو بالاج گسا نه روت  
 نه لوټن غیرئ دیا را که نوری دریابئ  
 اگر تهار چو زندان بییت وطن وطن انت  
 - انون شما ای سبغا کراری بوانت و جائیکه نفین قیده گندت جملانی به وتی کتابچهان  
 بلکت.

- چیزیکه انون گشتگه بیت په جوانی املا بلکت و جائیکه زانت ټک، کامه، سوالیه و ندائی علامهانا بلت.

گسویین کار:

هر گجامی شه شما نشتانکی په بورغمی باروا بلکیت که شه چار کشکا کم مه بیت.

عزیزین وانندگان!

چیزیکه انون گشتگه بیت په جوانی بشکت ورندا جستانی پسا بگشت.

۱. مُراد چونین مردمی انت؟
۲. مُرادی واهگ ولوټگ چی انت؟
۳. مُرادا چیه تورینیت؟
۴. - به مُرادی مناپورهین انسان باید چون بیت؟
۵. جوانی پاچون انت؟

- سی وانندگ چیزیکه دیما شه جستان اوشکتت یکوار دگه شه بر بگشت.

- په ای کلیمان جمله جوړ بکنت.

بورغمی

بورغم

تورینیت

هلک


ډولي

- سبخی ای بارا "بورغمی و به من چی، و ترا شه زحما در برتن، گون دگران مدت و دستگیری نه کرتن، جوان نه انت. هیچبر انسان باید به بورغمیا خومه گیت و تا جائیکه وسیه بیت دلسوچی و ذمه واری پکری بداریت" په رون په برزین تواری بوانت.

## سره میاشت

### مخسد:

- واندگ بوانت و بلکنت.
- سره میاشتا درست کننت.
- مقدارین قیدا نابه جملان ودی کننت.



### جست:

- به عکسا چیوه گندت؟ S
- سره میاشت چیا شنت؟
- پچی ای موسسئ نام خیر رسینوک انت؟

سره میاشت، یک موسسی انت که به وړ وړی حالتان، گون اړ، محتاج و تاوانی بوتگان، کمک و مدته کنت. پمیشا ای موسسئ نام، خیر رسینوک انت. ای موسسئ نشان سورین ماه (C) انت و ای موسسئ مچین کار کنوک و ازباب و وسیله همی نشانا دارنت. سره میاشتی نشان باز کدر و رو داریت و آیی کار کنوک که ای نشانا گون وت دارنت به هر وړی جاوروو حالتی گون ټپي و تاوانی بوتگان کمک و مدت کرتگه کننت. ای موسسه به هر ملکی به جتا جتاین نامی یاته بیت که به افغانستان به سره میاشت وبه اسلامین دگه ملکان هلال احمری ناما یا ته بیت و به لهتین دگه ملکان سورین صلیب گشتگه بیت.

ای موسسې کار تانکا نا جوړانی درمان و علاج کرتن یا اسیرانی سرو پاسرئ گرگ نه انت بلکین به سول وامنی جاورا هم خیر رسینوکین تچ و تاگانا تسره رسینیت.

سری آیی که ای موسسه به جتاجتاین نامان یاته بیت به مچین جهانان مخسد و واهگی هم وپرویکی انت. به امی عزیزین وطن افغانستان سره میاشت یا افغانیین هلال احمر نه تانکا ایش که ټپیانان درمان و علاجه کنت بلکین گون مصیبت دیستگ، ډگار جمب وسیلئ تاوانی بوتگان هم چیزی کمک و مدته کنت و دلسوچ و مهربانین پرستاران رودینیت.

په ایشی که سره میاشت گیشتر اقتصادیین واک و توکی و اوند بیت و وتی تچ و تاگانا به خیر رسینوکین راهها گیش بکنت امی دارا و هستی و اوندین هموطن هرو هدا گون افغانستانی سره میاشتا کمکه کنت.

عزیزین وانندگان!

- ای سبخئ نوکین کلیمانان سیایگ بکنت.
- دو وانندگ په رون نوکین سبخا بوانیت.
- پنچ ډل بیت و هر ډلی گون وت په سره میاشتی بارواهر بدیت.

عزیزین وانندگان!

- سی وانندگ په رون ای سبخئ یک یک بارا په برزین تواری بوانیت.
- باز، گیشتر، گیش، بس، کم، لهتین، چیزی، مچ، مچین درست، تیوگین، در این، گردان
- مقداریین قید انت شما به ای سبخا مقداریین قیدئ جملانا ودی کنت.
- چیزیکه انون گشتگه بیت په جوانی بلکت و جائیکه لازم انت ټک، کامه، سوالیه و ندائیه علامهانان بلت.
- په جالگئ جستا سی پسو گشتگ بوته همایکین که راست انت آیراودی وبه جالگئ کیشکی بکشت.

خیر رسینوکین موسسې انت که به افغانستان  
صورین صلیب

هلال احمر

سره میاشت یا افغانین هلال احمر  
گشتگه بیت.

گسویین کار:



هر گجامی شه شما به وتی کتابچهان په سره میاشتی باروا پنچ کشکی کاسا نشتانکی  
بلکت.

عزیزین وانندگان!

- چیزیکه انون گشتگه بیت په جوانی بلکت ورندا جستانی پسوا بگشت.
- کی په کمک و مدتا اړانت؟
- شه کی کمک لوپنت؟
- اگه اما کمکی وسا بدارن وتی کمکانا چون برسین؟
- سره میاشت کمکانا په کیه رسینیت؟
- سره میاشتی نشان چی انت؟

- سئ وانندگ چیزیکه دیما شه جستان اوشکتت په رون یکواردگه شه بربگشیت.
- په ای کلیمان یک یک جمله جوړ بکنت.

سره میاشت

نشان

یا ته

خیر رسینوک

درمان و علاج

- سبخی ای بهرا "سره میاشت، یک موسسئ انت که به وړ وړئ حالتان گون ټپي، اړ و  
محتاج و تاوانی بوتگان کمک و مدته کنت" په رون په برزین تواری بوانت.



## امبرانی

وطن مني لاله زار انت امبرانی

زمستاني بهار انت امبرانی

به هر کنج و کناری که بکنی سیل

چه سر سبزین کشار انت امبرانی

چه گوانی ملایمین داریت بهاری

هوای خوش گوار انت امبرانی

جویی پُرآپ و نهري کرته گنت موج

پلو دستوک هوار انت امبرانی

شه آسمانی ریچنت چون ترنگرواور

چه گردانی توار انت امبرانی

رونت مالدار به دشتانی پغت شی

امبرانی زوار انت امبرانی

"سلیمی" شیت وطن جان به منی دیما

عجب نخش و نگارنت امبرانی

# ورزش، دُرایی، واگ

## مخسد:

- وانندگ سبغا بواننت و بلکنت.
- ورزشی پیدگ و وړ وډولا بزانت.
- فاعلی و مفعولین صفتا بزانت و به جملان ودي کنت.



## جُست:

- به عکسا چیه گندت؟
- گجام ورزشا زانت؟
- ورزش چه پیدگ داریت؟

بهارئ یک وش هواین روچی دیگرا کرم که نوک رُستگین برز بالادین ورنای ات شه گسا دربوت، دیست که آبی هم زاتین بازین زاگی به آوانی گسی نزیکی میدانی چمندا جینت. وش وش سونی آوان شت و گون آوانی مزنا که نامی نصیرات وش آمد کرت و گشت: زاگانی ای جستن پیدگی نه داریت منوشه ای گوازی دست کشتون.

نصیر: آپه فوتبالی گوازی و ترا ساجو کنت.

کرم: فوتبال چه درده وارت؟

نصیر: فوتبال هم گوازی و هم ورزشی انت که په انسانی درائیا باز پیدگ داریت.

کرم: پیدگی چی انت؟

نصیر: ورزش کنوک دُرا و جوړ ووشین تب و خوی واوند انت فوتبال جوانین ورزشی انت.

کرم: منی ناکوزاک داود گون ورزشا و ترا شه پاد پرینت، انون به ناجوړی نپادا کپته من هم که چیزی فوتبال زانتون دست کشتون.

نصير: پڇي جي بوته آڇي ورزشي ڪرت؟

ڪرم: به مهتاڀين شپي ڪيچ و ڪبھي ڪرت وختيڪه گوازي الاس بوت نزيڪ دوتاس  
سردين آپ وارت دگه زاگ وتي گسان شتنت آبه ميدانيا به گوات سرا چاره ڪرت منا  
گشت مني جان گرانيه ڪنت. شه آبي و پد ناجور بوت و ڪپت.

نصير: ڪرم براس، داود ڪه سردين آپ وارته باز ژند بوته آعرخ داشته وبه گواتسرا چار  
ڪرته پميشانا جور بوته.

ڪرم: اي ڊول ڪه ته گشي ڪسيڪه ورزشه ڪنت بايد آپ مه وارت؟

نصير: آڀي وارتن باز پيدگ داريت، اگه په ڊول وارتگ بيت. بشڪن براس، ورزش بازين  
وڀوڊولي انت چو: ڪيچ، ڪبھي، حُسين، جستن، آپگوازي، فوتبال، واليبال و دگه ڪه  
هرگجامي شه وت قانوني داريت.

ڪرم: شرهبره داتي

نصير: ورزش و گوازي بايد به پاڪين جاگه و صافين هوای بيت، ورزش ڪنوڪ بايد ژندا  
ژند سردين آپ مه وارت و گون عرخا به گواتي ديما مه اوشتيت. وختيڪه ورزش ڪنوڪ  
نانه وارت بايد تا دو ساعت رندا شه نانا ورزش مه ڪنت.

ڪرم: نصير براس نه گشتي ڪه تا گجام سنا ورزش جوان انت؟

نصير: ورزش به مڇين عمرا پيدگ داريت، بايد به هر سني ورزشي ڊولا بزائن.

ڪرم: مگه رندا شه ورزشا چيزي وارتگه نه بيت؟

نصير: دمى پشترا شه ورزشا گيلاسي شير يانيوگي آڀي وارتن پيدگ داريت.

ڪرم: نصير براس شه تي هبران مني سر جوان پاچ آت، شدو پد من هم په فوتبالي ورزشا  
شميا ڪائين مني ناما هم بلڪت.

عزيبين وانندگان!

- اي سبخي نوڪين ڪليمانا سيايگ بڪنت.

- دو وانندگان په رون نوڪين سبخا بوانيت.

- سي ڊل بيت و گون وت په ورزشي پيدگي باروا هبرديت.

فاعلين صفت - ڪاري ڪنوڪ يا چيزي داروڪي راه سوچيا ڪنت

چو: جنوڪين مرد، وانوڪين زاگ

مفعولین صفت - که مفعول حالیا بیا نه کنت چو: وارته پروشته، پروشتگین پاد - به ای سبخا فاعلی و مفعولین صفتانا معلوم و په یکی آدگرا بگشت.

- دو وانندگ په وتی جندی وش یکی کرم و آدگه نصیری ناما په وت بلنت و ای سبخا په برزین تواری بوانت.

- چیزیکه انون گشتگه بیت په جوانی بلکت و جائیکه لازم انت ټک، کامه، سوالیه و ندائیه علامهانا بلت.

گسویین کار:

ای سبخا که گپ وترانی وړا انت به وتی کتابچهان بلکت.

عزیزین وانندگان!

- چیزیکه انون گشتگه بیت په جوانی بشکنت ورندا جستنی پسوا بگشت.

۱. ورزش انسانا چیه دنت؟
۲. یگجایین ورزش چه پیدگ داریت؟
۳. ورزش کنوک شه یک جاها به دگه جاگهاگون وت چیه برنت؟
۴. ورزش چونین مشکولیی انت؟
۵. ورزش انسانا شه چیا دوره ساتیت؟

- انون سئ وانندگ چیزیکه دیما شه جستان گشتگ بوت یکووار دگه شه بربگشیت.

- په ای جالگئ کلیمان جمله جوړ بکنت.

ورزش

دُرایی

واک

وش وش

- ای مطلباً "ورزش په انسانی دُراییا باز پیدگ داریت، هر مردمی باید روچی تها نیم ساعت ورزش بکنت" په رون په برزین تواری بوانت.

## سیگاری ضرر

### مخسد:

- واندگ سبھا بوانت و بلکت.
- شه سیگار و چلیمی ضرراسی بنت.
- سوچ و پرسی قیدا درست کنت.

### جست:

- سیگار شه چیا جوړه بیت؟
- تماک بتگ داریت یا درخت؟
- سیگار و چلیم چی تاوان داریت؟

اعیدو و بیبرگ دو تروزاک انت، یک روچی بیبرگ و اعیدوی کت و باس به سیگار و چلیمی سرا بنا بوت.

اعیدو: بیبرگ جان پچی سیگارہ کشی؟

بیبرگ: من چلیمه کشین جائیکه چلیم مه بیت گون وت سیگار دارین.

اعیدو: شه سیگار و چلیمی ضرر و تاوانا سی داری اگه نه؟

بیبرگ: چی ضرر و تاوانی داریت؟

اعیدو: بیبرگ تروزاک انون دگه زبرگوش کش که پته بگشین.

بیبرگ: جوان انت بگش.

اعیدو: تماک جور(زار) دارین مزه بلگین بتگی انت، تماکی بلگانا نزه کارنت و اوشکه

کنت و شه آوان سیگار جوړه کنت و تماکابه چلیما همه کشت.

بیبرگ: ایشا زانین تاوان و ضرری بگش.

اعیدو: تماکی زار(جور) نیکوتین و پنزوین انت که په انسانی بد ناسک تاوان دارنت،

دمیکه مردم سیگار و چلیمه کشیت تماکی زار شه دپ و پوزی راها به بد نا رسنت و دیریا

زوت په مردما سکین ناڈرای و دیه بیت.

بیبرگ: شر هبره داتی

اعیدو: په ایشی که بنیادمی دُرایی و سلامتی باز کدر داریت و بایدویلا شه دستا مه روت شه سیگار و چلیما دوری بیت.

بیرگ: تی هبر پاز مناوش آنتت شدو پد سیگار و چلیما یله دین هر جا تماکی ول و بتگی بگندین بن کشه کنین و مالانی دیما پرینین.

اعیدو: ایده سیکه، مال نه ورنه، ته اوشکتگی که حیوان انت نه زاننت، حیوان همه زاننت که تماک زار(جور) داریت پمیشا تماکی بتگا، نه ورنه.

بیرگ: اعیدو تروزاک شه تی هبران بازوش بوتون کوله دین که دوارگ سیگارو چلیم مه کشین.

عزیزین وانندگان!

- دو وانندگ په رون نوکین سبخا بوانیت.

- سبخی نوکین کلیمانا سیایگ بکنت.

پنچ دل بیت و هر دلي گون وت په سیگارو چلیمی ضرر و تاوانی باروا هبربدیت.

عزیزین وانندگان!

دو وانندگ یکی بیرگ و آدگه اعیدوی ناما به وتی سرابلیت و ای سبخا په برزین تواری بوانت. سوج و پرسى قید:

سوج و پرسى قید ایش انت: کدی، گجام، گجانگو، چنت، چنکر، پچی، پرچیا، چون، چی وړا، چنکس ودگه

گجا، گجانگو، چی، پچیا، گج، کدین

کدی آتگیت؟ کئی شتگیت؟ گجانگو شتگیت؟ چون آتگیت؟ پچی آتگیت؟

- سبخا بوانت و جائیکه سوجین قیده گندت به وتی کتابچهان بلکت.

- چیزیکه انون گشتگه بیت په جوانی بلکت، تپک، کامه، سوالیه و ندائیه علامهانا بلت.

- سی وانندگ په رون:

اولی په سیگاری ضرر و تاوان

دومی په چلیمی ضررو تاوان

- چیزیکه انون گشتگه بیت په جوانی بشکنت ورندا جستانی پسوا بگشت.
۱. په اولی وارا تماک به گجا کشتگه بوت؟
  ۲. کئی وشه گجا به گجا تماکی توما برتنت؟
  ۳. تماک چونین بلگ داریت؟
  ۴. شه تماکی دوتا په انسانا پیدگه رسیت یا ضرر و تاوان؟
  ۵. سیگاری و چلیمی به گجا سیگار و چلیم کشتگه نه کنت؟
- سی وانندگ په رون چیزیکه دیما شه جستان گشتگ بوت یکوار دگه شه بریگشیت.
- گون ای کلیمان یک یک جمله جوړ بکنت.

کدی

گجام

گجانگو

چنت

چنکر

- سبخی ای بارا تماکی زار (جوړ) نیکوتین و پنزوين په انسانی بدناسک تاوان دارنت، تماکی زار شه دپ و پوزی راها به بد نارسنت دیر یا زوت په مردما سکین نادر وایی و دیه بیت، په رون په برزین تواری بوانت.

### بن چمگ

- بلوچی زوان راهبند، ع. پهوال ۱.۱. ج علمی اکادمی هجری شمسی ۱۳۶۲ سال.
- بلوچی متل گالوار. نزار و پولکار ولی محمد رخسانی.
- بلوچی گالبند، ع. پهوال.
- سید گنج "سید هاشمی".
- براهدارین پل شه بلوچی لبزانکی باگا. ع. پهوال هجری شمسی ۱۳۶۶ سال.
- بلوچی بوانین عبدالکریم "راجی".

## بزانت بلد

مانا	گال	مانا	گال
درخت	درچک	چیر	پنهان
گاز	گیس	بخشا یوک	رحمان
سببه بیت	وجه بیت	ذکر، دعا	ورد
دریابانی	رودانی	امانت دار، باوری واوند	امین
کار، مشکولی	کاسی	سوغات	تیکی
خراب، نابود	ناخست	پیغمبر	رسول
دوامی نه داریت	موندی نه داریت	کیامتی روچا	آخری روچا
باز بوتن، برکت	وی	نیک نام	وشنام
کلپی و دروگ	چوتی	پوره کرتگ	بوجتگ
دود، رسم	داب	پاس و زمانگا	دوروباریا
متل	گالوار	کتره و پاسی	دَمی
کسانو کین نانی	پوچک	رو، ارزش	کدر
چیزیکه و دی مه بیت	غات	نادار	نیستگار
ذخیره، پسان	کنپی	په دروگین آپ	گوراپگ
ستای و په زانت	په برزین چمی گندیت	دو رو	دودیم
زانتکار	دانندگ	جوان، زبر، پسند	وش
اندازه‌ی	کچانی	بی واک و توکین	بی وسین
چیزیکه گیت	گروکین	پازاب مه کنت	مه جورینیت
مچین	دُراین	اجتماعیین	سماجیین
مچین	درستین	کار، مسوولیت	زمه واری
جوړین	دُراین	گندگین کار	رد کاری
مچین	تیوگین	چوتین راه	رد راهی
مچین	گرد	آسر، آخر	پای
ساز و سروز	زیمل	کلپی و دروگ	دروه بازی
موندگرتن، منتن	برجا مانگ	برز برتن، بانپ داتن	شات و بانپ



گال	بزانت	گال	بزانت
کردی	کاسی	نندونیا	جاگه و هند
بنیادین	اساسین، اولین، سری	هیل زرتن	یات گپتن
کاریین	مزین، بازین، جوانین	نه شموشن	بی هوشه نه کنن
کلات	مزین بان و ماری	برازیت	زیبه دنت
همسروگ	همپل، همسایگ	بن چمگ	اولسر
کدر	رو، ارزشت	مردمگری	جوانین خو
کرزیت	رو داریت	ناغدین	ناپاین
وشنود	وشحال، منت وار	شان	فخر، سربرزی
نپتین	تیلین	کت و باس	باس و هبر کرتن
تیلوک	تیرلت، پایگ	بورغم	بی توپیر، به من چی، بی پروا
کونپ	ایرگیج	داب	رواج
گوالک	مزین پیلک شه مودیا پمگا	رُستگ	مزن
تورگ	کسانین پیلک شه شه مودیا پمگا	وش وش	کرا کرا
شیکین	آرتی جاگه	کالک	پمگی درچک
چرک	وسیلی که پندانگاشه پمگاگیت	چر	رستنی وسیله
جَلک	رستنی وسیله	زَد	زراب، بازین تاثیر
جان درا	لوچ	وانگ	مطالعه، وانتن
گوستگین	دیمی وده	دور وباری	زمانگ
دُرایی	جوړی	آسر	پا، گپ سر
مه شموشیت	بی هوش مه کنت	وراک	خوت، ورگی
سون	نیمگ	ساجو	تیار
کیچ	یگجائین گوازی گواروکا	کبهی	یگجائین گوازی
حسین	گوازی انت	تروزاک	ماسی گوازی یا پسی گوازی زاگ
نیکوتین	زهردارین چیزی		

## معارفی ترانه

پادبیت مزن و گوند په نپ و کار معارف

آبات بساتت درو دیوار معارف

بترا کینت دلانا بکنت خون جگرانا

شاداب بساتت گل و گلزار معارف

خون بنت دل و کپ جگر و چم بنت کور

باکی نی که سبز مانیت چمن زار معارف

ما علمی گنوک و ادبی اشخی جنوکن

پروا، نه انت ما را چه شنزار معارف

پروانه سپت هستن و پروانه ډولا

سوچن پروبالا ناگون نار معارف

ما تنگ و گت هسک و هینار زوانن

کورن پما چمگ و ابشار معارف

اپسوز که هست "سرمچار" یک نیسی ترا

کمنت که بکنی ندر بدر بار معارف